






K

N
V
20
Goelenius de Conincys



TRACTATUS
DE PORTEN-
TOSIS AC LU-
XURIOSIS NOSTRI
SEculi CONVIVIIS ET
COMMESATIONIBUS, EARUM
Autoribus, origine, membra-
rumque affectis:

PUBLICÆ HABITVS, ORA-
TIONISQVE FORMÆ RENOVA-
tæ, Syssitæ elegantior, pluribusq; aliis lectis nec indi-
gnis, nec injucundis, locupletior factis,
editionum multorum rogatus extorsetur
ab Authore,

RODOLPHO GOELENIO
MED. D. ET M. P. IN Aca-
demiâ Marpurgensi.

MARPURGI, P. 1617.

Apud Jonam Saurium, 1617.

BIBLIOTECA
VITTI

12-1-26



ILLUSTRISSIMIS,
HEROICÆQUE INDO-
LIS AC VIRTUTIS ADOLE-
SCENTIBUS, JUNIORIBUS
Hassiae Principibus

DN. DN. WILHELMO, } Fratribus Ger-
DN. DN. PHILIPPO } manis,
DN. DN. HERMANNO, }

MAGNI ILLIVS MAVRITII PRINCIPIS
Hassiae Landgravii, Comitis in Castelnobogen,
Dietz, Ziegenhain & Nidda. Filii, Domi-
nus suis Clementissimus.

P RINCIPIBUS heroica na-
tura & ingenio praeditis,
Ad omnem virtutem, pietatem, subli-
mumque rerum, honestissimarum sci-
entiarum ac linguarum cognitionem na-
tis, & sub Institutione Excellentissimi
viri Dn. Joh. Georgii Grobii praclaram
eruditionem nactis:

*Futuris Hassiaca Domus columinibus:
Cœlestis veritatis Propagatoribus &
& Propugnatoribus:*

Iustitiæ Tutoribus fidelissimis:

*Literarum Literatorumque Patronis
munificentissimis:*

*Nec non sapientia, pietate, gravitate,
dexteritate, ac magnanimitate, Illustrissimi
Parentis, Principes inter viros
Decoris incomparabilis, vestigia persecuturis,*

Rodolphus Goclenius D. precatur præter
felicitatem summam, feliciter nunc in-
coatum, & subsecuturos annos multum felici-
simos, oratque demissè, ut hunc inscrip-
tum Tractatum accipere serena & æquilis-
sima fronte velint, Autoremq; Clementiæ
suz alis protegere. Pro quo voto conse-
quendo claudio his distichis,

Christe Basis Regni, qui sceptrâ potentia solus

Principibusq; bonis das, adimisq; malis,

Da precor in Pylum vivant hæc lumina tempus,

Vt servire sibi per tria sæcla queant.

E Museo meo, 1617. 18. Jan.

T R A.

TRACTATUS DE LUXURIOSIS CONVIVIIS.



I quis primum mortali-
um & varium postea
gentium victum, ex hi-
storiarum monumen-
tis cōsideraverit, eumq;
cum nostri seculi victu
comparaverit, non immerito ad stupo-
rem usque mirabitur. Totidem enim ef-
se victus, quot gentes, imò quot tractus,
ex gravissimorum autorum lectione &
imprimis Clarissimis illis J. Cæsaris Com-
mentariis patet. A simplici primum vi-
ctu, qui erat rusticus vel potius ferus, de-
ventum paulatim est ad mixtorem & ele-
gantiorum, & tandem ad luxuriæ Celsa
vestigia. Præsens hoc ostendit seculum.
Videmus enim insanæ gulæ irritamentis

& nepotinis heluationibus interire, regna, homines, urbes. Quapropter querenti, cur vesanam gulam & luxum perstringendum hoc tractatu mihi in animum induxerim, ei hoc responsum do, quoniam hoc argumentum & huic seculo & temporis est convenientissimum: quandoquidem ad nos redibunt brevi dies bacchanaliorum, qui apud Ethnicos fuerunt hominum aut simulantium furores, aut ebrietate insanientium; qui ad portentosas atque monstrificas heluationes ac commestationes instituuntur, sola simulatione insanix & repræsentatione gestus bacchantium: horum inquam recordatio, & memorię similitudinumque monstrificarum bacchationū, quibus nostrum seculum se contaminavit, celebratio, in hanc potissimum me sententiam adduxit, ut de luxus in conviviiis origine & primis authoribus ex hoc loco ornatissimo quædam dicere non erubescerem: idq; eo facio lubentius in hoc confessu, quoniam scio vos de eo severè & verissimè censuram ferre posse: nul-

læ hic

læ hic sunt nugæ: nihil monstrosum, fabulosum nihil, neque item insulsæ traditiones, haustæ ex face quorundã triobolarioꝝ scriptoꝝ, sed ex auctoribus Græcis pariter atque Latinis percelebribus atq; perveteribus: rem tradam corporis non modo salutis, sed animæ quoque non parum conferentem: ipsa rerum gravitas atque varietas fastidium vestrũ propulsabit, attentioresq; vos reddet: de primo & postea vario gentium victu & quibusdam prisce sæculi insanæ gulæ irritamentis, quæ ganeoꝝ portentosa ingenia excogitarunt, magnam mehercule naturæ injuriã, si consideratè dicenti auscultaveritis, non improbabitis scio institutum meum, dicendiq; occasionem, propterea quod confuse hæc & intercisè tractata conscriptaq; apud prisce auctoꝝ inveniantur. Mæ institutionis orationis hic erit ordo. Primò dicam de primo mortalium & postea vario gentium victu, tum de prodigioso convivioꝝ apparatu & celsis luxuriæ fastigiis: quæ singula dum pertracto, ro-

go, ut perbenignè me audiat & cum silentio, :

Primò constat, victum mortalium, eruditissimorum iudicio, quibusdam gradibus distinctum fuisse, quibus à summa rusticitate, vel potius feritate, ad humaniorem primò deventum sit, postremò ad summa luxur culmina..

Primum hominum genus, ut feræ in sylvis & nemoribus versabatur: convenitq; inter omnes, glandiferas bacciferasque arbores mortales tunc præcipuè aluisse, nutricesque extitisse feræ ac inopis illius fortis.

Deinde ex hac vita in secundam descenderunt, pastoritiam scilicet. Et enim ex animalibus ob eandem utilitatem sylvestria deprehenderunt atq; mansuefecerunt, inter quæ primum oves assumptas esse autumat, propter placiditatem. Aptissimæ enim sunt ad vitam hominum ad cibos, caseum simul ac butyrum, & corporis verò tutelam & vestitum velleribus adhibuerunt.

Tertio

Tertio deniq; gradu à vita pastoralis ad agriculturam animum adhibuerunt, quam maximè acceptam vitæ fuisse satis testantur populorum erga eam amor ingens & diligentia admirabilis. Illis enim seculis nihil antiquius habuerunt, quàm agros studiosè excolere, illumq; amplissimè laudasse existimabant, quem virum bonum Colonus dixissent, tumque pascua & fruges sola regum & gentium vectigalia erant, annonæq; vilitas erat incredibilis: haudq; dubium est, aurea illa secula verè extitisse, in quibus tam innocentij victu mortales uterentur, iis videlicet, quæ benigna tellure provenirent, vescentes, & eo, quod honestis manibus excultum esset, ut ita meritò censendum sit, humaniorem liberalioremq; victus rationem non extitisse, quàm quæ salutaris frugum invento ad vitam sustentandam usa est, quæq; vel pauperrimoq; paratu facilis fuit. In hoc cœlesti munere quantum vita postea profecit, & quantum solertia ingeniaq; hominum curam eam auxerint atq; locuple-

A 5 tarint;

Enco-
mij A-
gricul-
tura ve-
terum

*Ultimus
vita gra-
dus lu-
xuria.*

tarint; satis superq; testatur aureum illud vitæ genus sublatum, cum ad postremum gradum luxuriæ perventum, ferreaq; tunc proles repente exorta est: hæc ultima vita, hic ultimus gradus nostri seculi est, quem feliciorem solent dicere, qui novis moribus & luxui favent.

Hinc varius gentium victus mirabilisq; quem non unum esse, sed innumeros, & penè totidem quot gentes, hominumq; linguæ, testatur inter alios, qui res populorum historiâ prodiderunt, quiq; de situ orbis monumenta reliquerunt Jul. Cæsar in illis suis clarissimis commentariis de rebus bellicis. Non solum enim Cæsar alium Gallorum fuisse victum, alium Britannorum, alium verò Germanorum prodidit, verum etiam inter Germanos varium extitisse eumq; mirabilem, atq; etiam inter ipsos Gallos, quos agricoltationi fuisse deditos & minorum frugum alimentis usos, pomorumq; & vitium succis atq; liquoribus extra dubium est: Galliarum enim agros feracissimos, quin & vitibus maxima par-

te confitos omnium ferè scripta prædicant.

Belgæ à pristinis moribus longè recesserunt, quoniam summo studio vina externa conquirunt terrâ mariq; : etenim apud eos vites nullæ consueverunt : vescuntur præterea carnibus pecorum, quæ illic abundant propter pabulorum ubertatem : verum ante cuncta panificia fingunt varia ex caseo, lacte, butyro, quæ in summo honore mensarum & commensationum habentur : ebrietati autem magis indulgent quàm cæteri Galli, honorificamq; maximè putant non solum viris, sed & fœminis crapulam, præsertim qui Rheno sunt proximi.

Apud Petragonos & Lemovicos castaneæ & rapa à vino & messe tertium honorem adipiscuntur : rapa etiam Allobrogibus & Subaudis in cibo mirifice grata, sicut & castaneæ montanis Lugdunensibus.

Montium Cemannorum populi Arvernensium proximi vice panificii castaneis utuntur, quippe festis tantum diebus, vel

non

non infimæ fortis homines panificium illic ex frugibus usurpant.

Gasconum gens Aquitanix nobilissima inter præcipua pulmentaria allia habet, cepasq; quorum olfactum & gustatum in delicias gulæ vertit & suavia condimenta: hi nunc quoque præter cæteros Gallos ventri indulgere magis existimantur. Vulgatum enim & maximè nobilitatum apud eos jactatur Proverbium; Satius esse belle farcire ventrem epulis, quam corpus veste molli & pretiosa ornare: ajuntq; Burgundioni ventrem esse sericeum. Arverni verò caseo frequentius victitant.

Nortmanni malis pyrisq; crudis ac coctis liberaliter vescuntur, suosq; ex illis concinnant potus, carnibus quoque vescuntur omnigenis.

Narbonensis Gallia fecunditate frugum, vitium pomorumq; mira varietate ac suavitate nullis aliis terris cedit: Verum morum civilitate & vitæ nitore atq; lautitia à cæteris Gallis videtur discessisse: pisces habet frequentes, tum recentes,

tum

*Aqui-
tanorū
prover-
bium.*

tum sale conditos, ante cuncta autem olivas conditas, capparesq; manducat, ficus item uvasq; recentes, mala citria, arantia, limones inter lautiores cibos habet & irritamenta: vina apud eos generosissima: oves pascuntur thymis, quo pabulo mirè pinguescunt.

Armonicarum regionum populi inter se vivendi ratione non consentiunt. Brittones enim & Brittonisantes victu magis barbaro & fero utuntur: at Gallobrittones maximam partem civilitatis urbanitatisq; Francie servāt, apud quos panificia lauta ex frugibus parantur, vinaq; non ignobilia absorbentur. Mediterraneos autem fere omnes Gallos lautiores in cibis haberi atq; humaniores Possidonius Stoicus scribit apud Athenæum.

De moribus Germaniarum prodidit Cornelius Tacitus, quod cibi illis olim fuerint simplices, agrestia poma recensq; cæsa aut lac concretum sine apparatu, si-
c blandimentis ad famem sedandam,
ad adversus sitim non eandem fuisse

tempe-

temperantiam, quoniam diem noctemque in potu continuarent, qui mos apud illos nostra etiam metioria pertinacissime perdurat, ut videantur ad perdenda vinageniti: eoque nomine nunc apud Romanos & Hispanos pessime audiant: Germanos quoque carnibus vesci, ac biber: vinum meracum, historia scriptum reliquit Possidonius Stoicus: sed certum est totam Germaniam à Romanis minime fuisse cognitam: hodie, quanquam longe mitiori & urbaniori victu degant Germaniæ populi, nihilominus ferinæ cùjuscumque & priscæ vitæ vestigia quædam retinuerunt, maxime quanto magis vergunt in Septentriones.

Britanni, qui nunc Angli, si Cæsari credimus, pecorum magnum alebant numerum, leporem vero, gallinamanseremque gustare fas non putabant, animi tamen voluptatisque gratia educabant: convecto & deportato frumento, præcipuè verò Gallico utebantur, vina etiam nunc ab exteris petunt, Gallis, Lusitanis, Hispanis & Germanis, quæ po-

tentio-

tentiora sunt, nam imbecilla vecturam non ferunt: carnibus vescuntur largiter præcipue à pistoribus incrustatis, magni enim illic pecorum greges & armenta boum. Cælum vero temperatius esse quam apud Gallos, asperitatemq; frigoris ab iis abesse experientia testis est. His adjacent Scoti, quibus D. Hieronymus feritatem ac barbariem ascribit, quos etiam adhuc feros inuenias, ni aliæ gentes eos cicurarint atq; expolierint, miseramque omnino victus conditionem iis fuisse historiæ testantur: bubulam in cibis assumunt largissime, armenta enim huiusmodi animalium fert tellus alitq;: frumenta non inultum habent, sed aduentitiis utuntur.

Italia pro tractuum differentia imperiique incremento victum pariter mutavit. Romani enim, qui initia imperio dederunt, tum etiam qui id provexerunt, cibos expetebant tantum, qui vitam sustinerent famemq; depellerent. Capitale erat bovem mactasse gulæ causa: piscibus statim à Roma condita præsertim mari-

nis

nis usos esse constat eruditorum antiquorum monumentis, omnino carnes parcius semper esitasse, quam cæteros populos, verum videri potest. Nā & nostra memoria parcissimè iis vescuntur, herbis oleribusq; variè utuntur, tum crudis, tum coctis. Vini autem observationes memorabiles apud Romanos fuerunt, nam auctoritatem post centesimum urbis annum cœpisse ajunt, Romulumq; ipsum lacte, non vino libasse: & Numam sanxisse, ne rogum vino respergerent, nec licuisse fœminis primum id bibere, postea concessum valetudinis tantum causa: eorum autem qui secuti sunt, cura fertilior & industria felicior fuit in vitibus colendis: vini quidem in universum sunt avidi, sed modum portionibus adhibent, pariterq; Hispani.

Victus autem Romanorum rationes variasse pro Reipublicæ recta, vel depravata institutione, & postea Imperatorum virtute temperantiaq; atq; etiam libidine & luxuriâ, dubium non est, unde tot emerferunt leges sumptuariæ &

censo-

cenforiæ, quibus cibaria non exotica solum, sed & domestica prohibebantur, atque etiam ex sue pernae cœnis detrahebantur. Romani etiam veteres pisces simul cum carnibus una in patella seu lance mensis apponebant, pariterque herbas quasdam ut asparagum: Panificia vari generis conficiebant: lepusculi & perdices raro Romanas mensas subibant ob inopiam scilicet, cætera autem alitum genera frequentius: capreas in macello venales passim reperias, primis semper mensis acetaria imponuntur, æstate peponibus liberalissime vescuntur, nam plerumque iis solis contenti & pane, prandia sua cœnasque incoant & finiunt: ficus item simul ac uvæ fecentes per autumnum: Vitulina nulla caro pretiosior illis gustatur. Ververcina non ad modum placet: piscinarum non sunt tam studiosi, neque ita avidè pisces expetunt, quam sui majores, quippe rarissime vel marinos attingunt, nisi religio cogat. Hispani fordes in vivendo aliquibus in locis peculiares habent, quoniam si suis alan-

tur oculis domi esuriunt & famelici
hiant, at quando aliena quadra frui licet,
nulla gens æquè vorax cernitur, vivunt
carnibus immodicis, piscibus cum amni-
cis tum marinis, panificia quoque lauta
faciunt, pomorum ubertas illic varia at-
que multiplex, maximè citriorum omne
genus & punicorum, ficuum, uvarum,
quas siccatas alias in terras mittunt: an-
te cuncta vina illic vehementissima sunt.
Secundis mensis quernas glandes adhi-
bent dulcedine præstantes. Strabo Lusi-
taniæ Montanas gentes querna glande
vesci autor est: sunt præterea apud Mon-
tanos quosdam Hispaniarum populos
condimenta & saccharata innumera,
offinarum & Seplasiariorum com-
menta, ea mensas secundas exornant
bellariorumque vices supplent. Sicularum
mensas & in his Syracusanas potissimum
nobilavit luxuria, quas prudentissimus
Plato damnavit: fruges in Sicilia reper-
tas à Cerere narrat antiquitas, quoniam
solum illic sit omnium frumentorum
fertilissimum, unde & terra illa Roma-
norum

norum horreum nuncupabatur.

Græci crapulę gulęq; admodum fuerunt dediti, quare pergræcari pro indulgere genio Proverbio circumfertur.

Constat tamen diversam victus rationem & studia illis fuisse: aliter enim Lacedæmonii, aliter Athenienses vivebant: Lycurgus leges Lacedæmoniis condens tantum ciborum unicuique elargiri iussit, quod ad bonam corporis valetudinem satis esset: certum itaq; numerum frumēti singulis in singulos annos emetiri mandavit, & liquores pro ratione, atque id uberius viris, fœminis verò parcius. Præter ea instituit convivia publica, in quibus nullæ præter vulgares ciscæ apponerentur, probrosum existimans simul ac inutile animis corporibusque, coquorum condimentis & saporum coactionibus saginari.

Solebant præterea Lacedæmonii epulas suas condire labore in venatu, sudore, cursu, fame, siti: unde Dionysio Siculo negāti, se jure illo nigro, (erat enim hoc inter obsonia illis celebratissimum)

quod caput cœnæ fuerat, delectatum, respondisse fertur, qui illud cōxerat; minime mirum, condimenta enim defuerūt.

Sybaritæ gloriæ virtutisq; loco delitiis mollitiæque dediti vitam despiciabant, quoniam mortem non timerent. Spartani verò & vivendum liberaliter & moriendum censebant, sed utrumque cum virtute, teste Plutarcho.

Verum Atheniensium longè alia fuit vivendi ratio, quippe luxui omninò deditos fuisse, Græci. ferè omnes testati sunt, ipsiq; Poëtæ Comici imprimis Atticas cœnas riscunt. Socrates enim cibos detestabatur, qui non esurientem invitarent ad edendum, similiter & potus, qui non sitientes ad bibendum.

Athenienses in cœnis solebant lances apponere, quæ quinque alias parvas lances continebant, quarum una referta erat allio, altera duobus Eschinis; Tertia placenta, quarta conchis decem, quinta antaceo parvo. Est in exemplis parasitum quendam iuterrogatum, num cœnæ Atticæ Chalcidis lautiores essent, an verò

verò hæ Atheniensibus præstarent, respondisse, Chalcedoniacum procœmium pretiosius esse & suavius quam Atticorum totum apparatus, appellans videlicet Procœmium cœnarum, ostrearum multitudinem & varietatem: nihil ad peregrinos exportari licebat præter solum oleum, nam qui ficus exportantes ostenderent Sycophantæ apud illos dicebantur.

Perfarum victum exponens Xenophon ad panem quicquam eos adhibuisse negat præter nasturtium. Sed de eorum luxu & ganea nihil hic ascribendum duxi, cum apud omnes serè scriptores passim complura tradita legantur, & in altera parte obiter quædam sim relaturus.

De Ægypto certum est, & frugum & vitium fecunditate eam felicissimam fuisse, quin & pomorum omni genere, olerum quoque ac herbarum cibis supra modum usam, pisces amnicos marinosque & salsamenta immodicè esitasse.

De aliarum gentium victu, quæ à gra-

vissimis auctoribus literis assignata sunt & quasi per monumēta tradita: Scio permulta esse ejusmodi, ut vix fidem impetrare valeant, multisq; ea videantur incredibilia. Sed quia ex illis mundi partibus, quarum gentium multiformes mores, ritus, mirabilemq; victum enarraturus sum, homines, fruges, legumina, aves, animaliaq; nostris incognita terris creberrime ad nos terrā mariq; convehuntur, fidem facile adhibendam iis censeo, præsertim si naturæ eximia benignitas & vis ejus immensa perpendatur: fateor permultos qui à patrio solo non discesserunt, multa hic non sine fastidio audituros: veruntamen candidè meū hunc laborem velim interpretentur, quippe si omninò à Musis remoti non fuerint, erunt non pauca quæ animum delectabunt per tot gentiū cibaria discurretem.

Sed hoc præfari lubet, ut non unus olim fuit, ita nec hodie quoq; mortaliū victum unum, sed innumeros esse & quidem totidem, quot hominum linguæ:

Ferinum ante aliquot annos & abfur dum

fardum apud nostrates fuit, cochleis vesci, ranis, testudinibus, at in universa ferè Gallia inter præcipuas mensarum delicias reponuntur.

Thraces quosdam canibus victitasse Picus Franciscus auctor est.

Arcades carnes & maham in cibatu habuisse ferunt, quin & glandes, unde & balanophagi dicuntur.

Hircani vescebantur venatibus, quorū varietate abundabāt Marcellino teste.

Getis quibusdā vini usus omninò ignotus, quin & frugum: victum illis ovillum pecus commodat, ex quo Nomadum Getharumq; plurimi, teste Columella, galactopota dicuntur.

Xenophon prodidit Mosynecos ostentasse divitum liberos bene curatos, non alio tamen cibo quàm elixis nucibus enutritos.

Armeniam minorem fœcunditate percelebrem referunt, qui paulo ante nostram ætatem eam peragrarunt, nulliusq; quod ad victum hominis pertinet, indigam, quin etiam cœlum saluberri-

mum & clementissimum. Præterea Persarum regionem omni frugum abundantia nobilem narrant, vinoq; & pomis felicem, sicut & palmetis, quæ dactylos uberrimè ferant, pistaceis præterea, & malis, quæ paradisea appellantur.

Tartarorum victus parum distat ab eo, quo Nomadas Scythasque uti prodi-
dit antiquitas, quo etiam utuntur non paucæ Septentrionis gentes, quippe plurimus his lactis usus & casei.

Orientis populi plurimi, qui Imperio Magni Cham parent, potus suos ex oryza & genere aromatum concinnant: carnes crudas contritas primum, deinde aromatis resperfas oleisque odoratis imbutas vorant: Serpentibus etiam nunc, quæ illic nascuntur copiosissimæ & grandissimæ in cibis suis utuntur, in deliciis quoque habent hominum carnes, qui morbo non extinguuntur, quales sunt qui in bello ab iis trucidantur.

Solinus autor est, Essedones Scythiæ populos parentum suorum funera cantibus lætos prosequi fuisse solitos, convo-

catisque propinquorum cætibus cada-
vera ipsa, (horrenda parentalia,) denti-
bus laniasse, pecorumque viscera mi-
xta inter epulas apposuisse; Cranio verò
poculi loco usos fuisse, quod & auro cir-
cumcirca ornarunt.

Matthias Michon de Sarmatia Asia-
tica scribens Tartarorum quoq; memi-
nit, & omni frumento carere asseverat,
omniq; leguminum genere; excepto mi-
lio, quod magna cura ab iis feri idem tra-
dit: equorumq; greges educât, quorum
carnes manducant, sanguinem verò e-
quinum milio commiscunt, coquuntq;
simul & mandût: quin etiam ipsum po-
tant solum, idq; & barbaris olim placuif-
se testatus Virg. carmine bucolico, & lac
concretum cum sanguine potat equino:
acido lacte oblectantur, id namq; tum
stomacho salutare esse sibi persuadent,
tum alvo deijciendæ experimentis ido-
neum comprobarunt: si quando verò
epulantur splendidius, lac sublimatum, si
liceat eo vocabulo uti in elegantioris
penuria, bibunt, quod mirabile dictu,

promptissimè atque ocysimè in cerebrum penetrat inebriatque.

A Tartaris Turcas orfundos idem cenfer, quare ab eorum victu non procul recedere. Qui de Rhodi expugnatione historiam scripserunt, omninò gentem illam immundam & obscœnam tradūt. In Sarmatia Europæa Podolia fertilitate nobilitata est, quippe illic fruges feliciter & lætè proveniunt, cibaria igitur ex frugibus, potus verò ex melle concinnant, quod illic abundantissimè gignitur, atq; etiam in Ruscia: aquæ omnes sponte illic pisculentæ sunt, in quibus lucii capiuntur amplitudinis mirandæ saporisq; suavissimi.

Verùm & Lithuanie, Moscoviæq; annib. usu venit, ut sponte & copiose alant generentq; pisces, qui & magnitudine & suavitate nobilitantur. Moscoviæ idem Matthias mentionem faciens potum eis esse scribit ex aqua & melle confecto: aromatis crebrius utuntur, nam & ea cum melle arte Chymica sublimât, existimantes hac potione visceribus calorem exci-

*Hydro-
mel.*

NB.

tari adeò insignem & salutarem, ut possit inclemētissimis frigoribus fortiter repugnare: avenam ipsam sublimant, ex qua sublimatione elicitur liquor, quam aquā ardentem vocant, eque ac apud Germanos, Gallosq; & Italos ex vinis vehementioribus: Principis edicto severissimo vini potus aliorumq; liquorum, qui ebrietatem concitant, prohibetur, nec licet ea bibere, nisi ejusdem Reguli indulgentia.

Muscovitis parēt Scythæ & Antrophagi humanis corporib. vescentes, sine ullo degētes panificio, vino, aliisq; potib.

Paulus Jovius literis mandavit Moscoviam melopepones ferre, quod mirari subit, quippe gelidissimis Boreæ statibus tenerrima quæque exuruntur. Certissima messis in melle atq; cera est, namque illic apes in arborum campis mella conficiunt & probatissima & copiosissima: domi opipare & laute epulantur, gallinæ siquidem & anates singulæ pro singulis argenteolis nummis vœneunt: venatio & aucupia mensas magnatum opulentât, vina nesciūt præter exotica, iisque

utun-

utuntur in Sacrificiis & conviviiis luxuriosioribus ostentationis gratia.

Lapponum gens, supra quam credibile sit, fera est & agrestis, neq; enim fruges, neq; vina, neq; poma novit: sagittandi arte sola victum quæritat & ferarum occisatum tergoribus vestitur.

Colmogora Moscoviæ contermina regio frugibus abundat, seminaq; terræ mandata nullo illis beneficio aratri proveniunt, admirabili celeritate naturæ festinantis, ut Jovius testatur. In subjectis Moscoviæ campis, caprearum, leporūq; incredibilis multitudo cernitur, quæ nemini aut plagis aut canibus venari licet: lacus quoq; habent, unde piscium admirabilem copiam expiscantur: eademque penè de moribus & victu cæterorū populorū Septentrionis literis mandata reperiuntur, tum apud veteres tum apud recentiores.

In Oriente porro traditur esse quosdam populos, qui sine ullis arboribus, sineq; frutice degant. Plurimæ quoq; gentes frugum, arborum, quin etjam peco-

rum

rum expertes inveniuntur.

Scytharum multa genera, qui corporibus humanis vescerentur, olim fuerunt, & esse nostro ævo in nova India Cannibalos vocatos accepimus. Adde quod quidam in remediis summis habent viscera ossaque humana vorare, sanguinemq; gladiatorum bibere, & quidem ex homine ipso sorberi ex ipsa vena secta calidum adhuc & spirantem efficacissimum putant. Fuerunt apud Græcos qui scrupulosè hominum viscera sunt persecuti; eorumq; sapores.

Æthiopum gens, cujus regio à Neroë ad fluvium Hydaspin porrigitur, scorpionibus vescebatur, aspidibusque.

Quintinus Heduus scribit, se vidisse in Insula Melita, qui scorpionem ederet innoxie. Sunt enim illic scorpiones veneni expertes. Supra Borysthenem esse gentem Sauromatum, quæ tertio semper die capiat cibum: Ad extremos vero Indiæ fines gentes Astomorum fuisse, sine ore, corpore toto hirtâ, vestitam frondium lanugine, halitibus tantum vi-

ven-

ventem & odore, quem naribus trahebant, memoria proditum est: quæ si vera sunt, quis miretur Democritum mellis odore vixisse.

Qui Athon montem incolebant, viperinis carnibus alebantur, itaque nec capiti nec vestibuseorum noxia corpori animalia innascebantur.

Pandoræ locustas in cibis habuerunt atque etiam Parthi.

Gens Medunnorū appellata animalium, quæ Cynocephalos vocabāt, lacte vivebāt. Arimphæi gens baccis alebatur.

Celenophagi testudinibus vescebantur, quarum testis casus suas integebant, idq; genus hominum nova India alit:

Candei serpentibus vesci assueti, & ob id Ophiophagi dicti.

Libes ovillam nō gustabant, erat enim apud eos id inexprabile, si quis edisset.

Judæi atq; Ægypti nō vescebātur suilla.

Troglodytæ specus subibant, alebanturq; serpentibus.

Riphæis baccæ erant alimenta. Nonnullis Indiæ populis cæсорum parentum

visce-

visceribus epulari fas erat.

Carmani sine fruge ac veste, sine pecore, sine sedibus degebant, piscibus vescabantur, atq; eorum cute sese velabāt. Pharusi pecoribus tantum alebantur.

In Æthiopia tum hominum multiformes miræq; effigies reperiuntur, tum victus ratio varia & incredibilis: illic enim gentes esse ore concreto & naribus carentes, unoq; tantum foramine spirantes, tradiderunt Prisci, & potum avenæ calamis trahere. Quibusdam ignotū fuisse ignis usum narrant ante Ptolomæū Latyram Ægypti Regem, atq; illic fuisse Nomadas, qui Elephantis vescerentur.

NB.

Fortunatarum insularum incolas imprimis beatos existimare possumus, quibus sua sponte tellus abundatissimè supeditat alimenta, aliis super aliis scilicet innascentibus, quam felicitatem in quibusdam orbis Indici nuper patefacti insulis spectari accepimus.

Agriophagi Pantherarum carnes leonumq; edebant.

Pamphagi omnia vorabant, Æthio-

pum

pum pars quædam locustis tantum vixisse fertur, fumo saleque duratis in annua alimenta, sed quadragesimum vitæ annum non excedere.

Alii Orientis populi piscibus vivunt, tum siccatis tum recentibus, quorum captura uberrima fit Martio, Aprili, Majoque mensibus, contritos eos & in massam redactos in panificia cogunt, siccataque in annua cibaria reponunt.

De victu & cibo novæ Indiæ, sive novi orbis non ita pridem à Christianis patefacti constat varium eum esse, fertilitate soli alibi, alibi verò infœcunditate nobilem, herbarum quoque, fruticum, arborum, pomorum, odorumque, & alituum innumera genera esse reperta, quæ non minorem admirationem præbent, quam incognitæ olim res Indicæ: alit præterea oves, & alia pecora, aprosque affatim: abundat melle, saccharo & vitibus, quæ plus fundunt uværum quam foliorum.

Qui terras incolunt prima Americi Vespucii navigatione visas, omninò frumenta ignorant, cibaria autem iis sunt

poma atq; herbae, pisces quoq; : radicem quandam in farinam redigunt qua vice panis vescuntur, hanc alii juccam, alii Chambi appellant: porro carnes nullas attingunt præter humanas: Eadem navigatione reperta gens est, quæ in cibo habet animal quoddam magnitudine quidem caprae, specie verò serpentem referens.

Qui primi è Christiano orbe in eas terras habitatum deducti sunt, durarunt quidem aliquot annis solis herbis, pomis, radicibusq; viventes, verum postea ad alia cibaria transierunt, quippe venter ingenii largitor docuit, invenitq; cibos, quos primum exitiales experti sunt, innoxios reddere. Etenim jucca radix primum degustata illis mortifera fuit. Verum procedente tempore, cum id venenum in radicis solo succo esse comperissent, aqua coctam ac igne tostam mandere cœperunt absque noxa: Navigatione Josephi Indi compertum habetur, regionem Indicam, quæ Carangonora dicitur, situm inter æstivum tropicum &

æquatorem, nucibus, quas Indicas appellamus abundare, herbarum insuper 24. radicibus vesci, ex oryza verò panes cōficere: Sunt etiamnum Palmeta, ex quorum fructibus panes conflant, vinum eliciunt, acetum temperant, oleum exprimunt, atque etiam saccharum: quod ideò minus mirabile videtur, quod Strabonem auctorem gravem eadem penè in libris suis de orbis situ, tradidisse reperio. Ex palma enim fieri panem, mel, acetum & oleum, scripto mandavit: multa quoq; illic arborū genera, multa herbarum, multa quadrupedum, alitum & piscium videri, quæ non alibi, testantur, qui in eam navigant: poma quibusdam instar messium sunt, aliis herbarum radices.

Sed ne quid prætereamus, Calceutana cibaria attingemus: qui in eam terram primi è Christianis navigationem instituerunt, narrant incolas lacte & butyro vesci, panesq; facitare sine frumento in foco tantum coctos & cinere. Oryzæ apud eos summa abundantia, eamq;

cym-

cymbalis, saltationibus, omniq; lætitiæ genere serunt; sua dæmonia præcantes, ut sit oryzæ uberrimus prouentus, hac enim varias epulas conficiunt: ex palmis potant liquorem, carnibus piscibusque promiscuè vescuntur, à bubula tamen abstinent, boves namque sacrosanctos putant.

Qui colunt Insulam, quæ S. Johannis porta dicta est, canes alunt ac faginant in utrum cibarium, verum nullus illis latratu est, rostrumq; habent vulpinum. Infima plebs piscatu nutritur, muriumque venatu. Incredibilia profectò sunt, quæ de felicitate illius Soli tradita legimus, & præsertim in arboribus & pomis producendis.

Mameluchi, qui Sultano Ægyptio parebant, equorum, camelorum, bubalorumq; carnibus victitârunt. Arietes in illis locis nascuntur memorabiles, quorum aliqui caudam gestât 40 librarum, adeoq; obesos ut vix progredi valeât: nōnulli arietes cornua damis similia gerūt, quorum uno aureo duodenos veniisse

tantum proditum est : capras præterea grandes admodum illic reperiri traditur, quæ uno partu 4. hædos enitantur : Atque hæc de vario mirabiliq; gentium victu huic orationi adjicere volui, ut is ne rudis omninò, qui non audierit, in istiusmodi rerum auditionibus reperiatur.

Nunc ad alterã orationis meæ partem progredior in qua monstrosa & fabulosa omittam, tantum, quætum Græcorum, tum Romanorum historiis nobilioribus mandata inveni vivendi, illustrium quorundam virorum exempla attingam, victus cibosq; ostendã, unaq; opera luxum & sobrietatem aperiam : ubi adnotasse oportet, aliquando benè nos debere de moribus nostris & vivendi ratione sperare, aliquando verò pessimè, quandoq; enim parsimonia indicabitur, quandoq; insanus luxus eiusq; affeclæ. Mōstrificas vobis hīc exhibebo cœnas, prodigiosas atq; portentosas, auribus eas percipietis, non gustabitis, & si cui fors an salivã moverim, lautiore tamen & ulteriore quodam ferculo palatum explere non valeo.

Nolim, inquit Cicero de finibus, mihi fingere aſotos, qui in menſam veniant, & de conviviiſ auferantur, crudiq; poſtridie rurfus ingurgitent.

Certum eſt autem à Græcis & Romanis omnem ad nos fluxiſſe luxum. Victo enim Mardonio Magni illius Xerxis duce, Græci aurum inter ſe partiti ſunt, unde apud eos primum luxuria cœpit, ſi Juſtino credimus, quemadmodum Aſia primum devicta luxum miſiſſe in Italiam fertur: Tempore enim Manlii Curii Reſpub. Rom. nondum luxuriabat, nec ad luxum inclinabant mores.

Diebus feſtis Græci inferiaſ agentes poculiſ certabant, & qui cæteriſ prebibat, promachus nuncupabatur quaſi præpugnans, quatuorq; choas, id eſt, cōgios ebibebat. Cremato Calano, Alexander convocatiſ amīciſ & ducibuſ ſolenne convivium inſtituit, in quo vinariæ potationiſ certamen indixit, victori coronam proponens uniuſ talenti, quam promachus quidam quatuor congioſ ingurgitans accepit bibaciſſimus omnium.

Luxum autem Romanam & invexisse, & auxille atque ornasse etiam Lucullus perhibetur, quem hoc nomine in primis nobilitatum invenio apud autores. Devictis enim duobus maximis & potentissimis Regibus, Mithridate & Tigrañe ingentes sibi comparavit opes, quas Roma ingressus conterere omnino studuit, quod tamen efficere non potuit, neque horum amoenissimorum intolerabili impensa, neque edium cœnationumque amoenissima structurâ, quin nec conviviorum quotidiano apparatu, unde adagio etiam nunc celebrata ejus luxuria est, inque proverbium abierunt deliciae Luculli. Cœnationes ita ordinatas habebat, ut taxata cœnarum summa unicuique loco esset, id est, singulis convivii definitum erat pretium, & apparatus splendor. Quod vel testatur cœna illa impendio quinquaginta milliū apparatus, hoc est, mille ac ducentorum quinquaginta aureorum, tanta celebritate ac lautitia epularum, ut Pompejus & Cicero, quibus illa dabatur, obstupescerent. Livius de bello Macedonico de triumpho

pho Manlii loquens, epulae quoque ipsae, inquit, & cura & sumptu majori apparari coeptae, tunc coquus vilissimum antiquis mancipium & aestimatione & usu in pretio esse coepit, & quod ministerium fuerat, ars haberi coepit: Coquos enim singulos pluris quam equos quiritabantur. Et hodie nullus propè mortalis aestimatur pluris, quam qui peritissime censum Domini mergit. Non tulit tamen hanc palmam solus Lucullus, quippe ejus prodigentiam M. Apitius nepotinis helluationibus si non exsuperasse, aequasse tamen dicitur, ob quod in proverbium abierunt coenae Apitianae, sextenties enim sestertium, id est, quindecies cetena aureorum millia inexplibili illa ingluvie helluatus est, cumq; posset adhuc ducentis quinquaginta millibus vitam laute elegantiq; victu producere, tamen venenum miser hausit, ne patrimonio tanto superesset, quod jam defecturum eum videbatur. Plinius aptissimum omnium nepotum appellavit gurgitem. Suidas sic de eo mentionem facit: Apitius Marcus in Luxu

& inuitatos sumptus multas argenti myriades in ventrem absumpsit.

Hujus meminit quoq; Athenæus lib. i. asserens eum delicatum & locupletissimum, ab eoq; complura placentarum genera Apitiana nuncupata esse: Quin & tanta erat infania gulæ hominis illius, ut in Lybiam ventris explendi gratiâ navigârit,

Constat autem non aliunde maiorem epularum luxuriam fuisse apud Romanos quàm è piscibus: Unde piscinarii nobilissimi Romanorum dicti: Inde ostrearum vivaria illa celebratissima Sergii Auratæ, qui primus optimum saporû ostreis adjudicavit: nec cessavit gula quin & reliquorum piscium vivaria institueret: Hujus inventi autor fuit Licinius Murena, cujus exemplum deinde nobilitas secuta est, Philippus, Hortensius, Lucullus, cujus piscinæ quadringētis sesteritiis vâniere: pretia enim piscium insana extitisse docet Mullus ille tantopere jactatus ac nominatus à Plinio, Juvenale & Macrobio. Hûc ab Asinio Celere viro

con-

consulari emptum millibus nummum Plinius tradidit, id est, ducentis aureis æstimatione Budæi.

Merito igitur Imperii Romani ruinam prædixit Cato ille, cum præmoneret, vix posse Rempublicam illam, in qua quidem pisciculus pluris quam bos vèni-
ret, consistere, nam pariter Luxuria in-
vecta est, & Carthago devicta, cujus ex-
cidii autor & suasor extitit Cato, sumpto
arguimento à præcoci ficu triduo inde
allata.

Cæterum mira & immensa avium
pretia, si quis animo reputet, facile con-
jiciet, auro & argento Romanos exupe-
rassè, urbemq; Romam quasi arcem quan-
dam expilatorum orbis, totius videbit.
Singula paria columbarum vèniisse de-
narius quadringentis, Plinius testis est.
Varro verò ait singula paria ducentis
nummis vulgò vèniisse, sique essent exi-
mia, singula millibus nummum.

Corvum loquacem viginti millibus
nummum emptum constat, id est, au-
reis quingentis; turdos singulos ternis

venisse denariis histotia proditum est: horum igitur 5 millia hoc pretio vendita sexaginta in illia nummum faciunt, & certum est tanta fuisse Romæ turdorum aviaria tempore Varronis, ut ex eorum fimo agri stercofarentur. Pavones quoque in summo pretii culmine fuisse ajunt. Marcus enim Aufidius Lurco saginare eos primus instituit, ex eoq; questuis redditus sestertium sexagena millia habuit, ut testatur Plinius: Varro supra sexagena millia nummum dixit, quod & Budæus confirmat, hoc est ejus æstimatione mille & quingentos aureos, ex quo vectigali potest patere quanta fuerit gulæ populatio. Ova eorum venierunt denariis quinis. Hortensius Orator pavonem primus cibi gratia Romæ occidit, & augurali cœnæ apposuit, cujus exemplum posteritas secuta in privatas epulas transtulit: Sed neq; in anseribus ingenia Romanorum impigra visa sunt, præcipue verò epatis bonitatem novêre, fartilibus enim in magnam altitudinem crescit.

Aviaria primum instituit omnium

generum avium inclusis Marcus Lælius Strabo. Pretia quoque pomorum mirabilia tradidit Plinius, nam singula Persica primum sestertiis quaternis veniisse ait, deinde augescente gratia, auctoritate scilicet iis vespcentium, pretium quoque ad-auctum ad trecentos nummos.

Quare mirum videri non debet, singulas arbores, ut tradit Plinius, millia nummum annuo redditu meruisse, cum septem & sexaginta poma hanc summam conficere potuerint, tricenis nummis singula venundata. Ergo singulatum arborum circa suburbana Romæ majus erat vectigal, quàm apud antiquos prædiorum. Præterea ut nihil intentatum luxus relinqueret, inventum quoque est quadrupedes saginare, tum feras tum domesticas, & mēsis solidas apponere.

Servilius Rullus primus Romanorum in epulis aprum solidum apposuit, Persarum Magnates credo imitatus, qui in suis mensis solidos asinos, equos, camelos & boves assatos ponebāt, ut Græci auctores tradūt, nec solū in feris ventris infa-

nia visa est, sed & in domesticis. Suem enim celerius castratione pinguescere repertum est, neq; ex alio animali numerosior materia ganæ inventa est, quare Censoriæ leges de nullo alio pecore frequentius paginas suas nobilitarunt. Interdicta enim coenis glandia, abdomina, testiculi, vulvæ, fincipita & verrina.

Minus profectò mirabilis videtur lancium amplitudo tantoperè celebrata, quando pecora integra mensas Romanorum subiisse, Romanorum historiâ proditum invenietur.

Vitellius in principatu suo ducentorum sestertiorum, id est, quinque milium aureorum commentus est patinam, cui faciendæ fornax in campis edificata est. Escaria in super vasa ex murrhinis fieri coeperunt post Pompeji victoriam, non tamen sine magna ejus infamia, qui tanti luxûs autor fuisse visus est. Nero capedinem unam murrhinam quadringentis sestertiis paravit. Verum alios fuisse mores Romanorum ante Carthaginem everfam clarum est, etenim

nam legati Carthagenensium dixisse aliquando feruntur, nullos hominum benignius inter se vivere, quam Romanos, eodem enim argento apud omnes cœnitavisse ipsos: at postquam de ea triumphavit Scipio, aurumq; illud grande Punicum transtulit, totum in apparatus mensarum paulò post transiit. Verùm ad cibos redeamus.

Glirium somniculorum sagina quoque instituta est, & vivaria, ne quid venter non devoraret. Cochlearum pariter & saginam & vivaria commentus est Fulvius Hirpinus, ut illæ altiles ganeam quoq; implerent. Sed & vermes qui in ligno humore scilicet ninnio nascuntur, Cossos appellant, saginare altilesq; facere luxus invenit, quin & alia foediora animalia in delicias gulæ verterunt.

In vinorum quoq; differentiis insanivisse victorem orbis populum in confesso est. Primum enim fuit magna parsimonia, vel propter raritatem, vel quoniam sibi quisque moderabatur, transmarina enim diu fuere in autoritate, sed

ubi bona sua intellexit Italia falernumq;
reperit, obſcurata eſt eorum gloria.
Verum & de menſis ſecundis & mellitis
operibus aliquid deguſtandum: per mel-
lita hinc intelligantur fercula dulciora,
quæ tunc menſis ſecundis inferri ſole-
bant, ut noſtra memoria Saccharati miſ-
ſus epularum à piſtoribus dulciariis, &
omnia quæ bellariorum cenſu conti-
nentur, & ſaccharæi panificii operiſque
ſtructura in cœnis, quæ in lanceis argen-
teis ad oſtentationem traducuntur, ma-
gis ut delibentur, quàm ut eſitentur. Ne-
ro indicebat familiaribus ſuis cœnas,
quarum uni mellita quadragenis ſeſter-
tiis conſtiterunt: Quadragies autem ſe-
ſtertium, ſi centenſis millibus aureorum
noſtrorum æſtimentur, quanti ipſa cœ-
na æſtimari poterit? hic verò divitiarum
& pecuniæ fructum non alium exſpecta-
bat quam profuſionem, ſordidos ac de-
parcos eſſe dicens, quibus ratio impen-
ſarum conſtaret, prælautos vero & ma-
gnificos, qui abuterentur ac perderent.
Laudabat idem mirabaturq; avunculum

Cajum Caligulam nullo magis nomine; quàm quòd ingentes Tiberio relictas opes brevi spatio prodegisset : hic in omni vitæ parte prodigos omnes superavit, commentus novum balnearum usum, portentosissima quoque genera ciborum atque cœnarum, ut calidis frigidisque unguentis lavaretur, pretiosissimasque margaritas aceto liquefactas sorberet, convivis ex auro pates, atque obsonia apponeret, aut frugi hominem esse oportere, aut Cæsarem, dictitans. Is opes immensas non modo deparci, sed & sordidi Imper. Tiberii, quas annis tribus & viginti confiscaverat, non toto vertente anno absumpsit, id est, sexcenties septuagies quinquies centena millia aureorum nostrorum, æstimâte Budæo.

Vitellius præcipuè luxuriæ ganeæque deditus novies millies sestertiûm paucis mensibus intervertit, teste Tacito : quadridariam epulas dispertiebat, in jentacula, prandia, cœnas, & commessationes, quibus ut sufficeret, vomitibus assidue utebatur. Quod etiâ factitasse Claudium

dium Cæsarem invenio, pinnâ in os indita, vinum enim cibosque quocunque tempore appetebat avidissime, convivia agitabat & assidua & ampla, nec triclinio unquam abcessit, nisi distentus ac madidus, erat boletorum avidissimus: Quare per hanc occasionem venenum ei datum ab Agrippina conjugē, quo facto illa terris venenum alterum sibi quē ante omnes Neronem dedit.

Verum famosissima illa fuit supra cæteras cœna, Vitellio à fratre data, in qua duo millia electissimorum piscium & septem aviuni apposita traduntur: Scarorum jecinora, Phasianorum, & Payonum cerebella, linguæ Phœnicopterum, murenarumq; lactes à Carpathio usque fretoq; Hispaniæ petite, eam exornarunt gloriaq; palati extiterunt.

Convivia M. Antonii & Cleopatram commemorare supervacaneum est.

Unum tantum memoratu imprimis dignum adjiciam. Marcus Antonius exquisitis quotidie epulis saginabatur, & per luxum inusitatum debacchabatur:

Ad

Ad eum enim Reges Orientis salutandi causâ confluxebant, quibus impendiis exhausisse ducenta millia talentorum fertur, hoc est, centies & vicies mille aureos. Verum Cleopatra Ægypti Regina lautitiam ejus omnem apparatusq; fastum meretricio superbiaq; detrectabat, dictitans unâ se cœna centies sestertiûm absumpturâ. Quod equidem etsi incredibile Antonius existimaret, cupiebat tamen discere, quare condicta est cœna, in qua Regina magnificam alias epularum struem, sed quotidianâ Antonio posuit: irridenti autem & computationem expostulanti illa se in ea cœna taxationem consumpturâ confirmabat, quare mensam secundam inferri jubens detractum auribus unionem aceto merisit & liquefactum absorbuit: singulare & ferè unicum naturæ opus, ut ait Plinius, auribus gerebat Cleopatra. Quis quæso non obstupescat uno ferculo secundæ mensæ centies sestertiûm, id est, ducenta & quinquaginta millia aureorum absumta: tanti enim æstimatus est hic unio Cleopatræ.

Tres historiae prodiderunt qui experti sunt quid in gloria palati scirent margaritæ: Æsopi Tragœdi Filius primus id ausus est tentare: deinde Regina Ægypti, tertius Cæsar Romanus princeps, & certum est luxum auctum, & diminutum morib. principum dominantium. Lentuli quoq; auguris luxus cœnarum nobilis fuisse proditur. Hic à Seneca maximum divitiarum exemplum appellatus est, millies enim sestertium vidit, hoc est, centies centena millia aureorū: is est apud quem Cicero cœnavit, ut ipse refert in epistolis.

Clodius, quem Milo interfecit, perditâ fuit luxuria: quin & Milo ipse egregius prorsus homo, cujus æs alienum inter animi humani prodigia duxit Plinius, rerumq; memorabilium æstimator & acutus & censor gravis.

Heliogabalum luxuriæ perditissimæ quoque fuisse historiae tradunt. Sortes is convivales scriptas in cochlearibus habuit tales, ut alius haberet X. Camelos, alius X. struthiones, alius X. muscas, alius

decem lib. auri, alius decē plumbi, alius decem ova gallinacea, alius X. ursos, alius X. glires, alius X. lactucas, alius X. lib. bubalinæ carnis: exhibuit navales pugnas in Euripis vino plenis. Idem nunquam minus centū sestertiis cœnavit, aliquando autem tribus millibus computatis, teste Lampridio.

Julius Severus donavit calices singulis convivis per singulas portiones myrrinos & crystallinos: dedit vasa aurea, argenteas & aureas coronas, dedit & vehicula cum mulionibus & mulabus, cum juncturis argenteis, ut ita à convivio redirent: Convivium æstimatum ferunt sexagies sexcentū millibus sestertiorū, teste Capitolino. Unde non in cibis tantum, verum etiam in omni vitæ parte modum nullum statutum apud Romanos aliquot seculis in confesso est. Si quis enim reputet animo ludorum cœnationumque apparatus prodigentissimos, ædium & villarū insanas structuras, aliarūq; id gen^o, horrescit anim^o, nec mirum, cum terrarū Domini una cum opu-

lentia gentium victarum, mores quoq; & cultus induerint, quod in Alexandro notissimū est; is enim devicto primū Dario luxuriosa convivā & epularum magnificentiam sectari cœpit, ut transiret in mores quos vicerat, immemor scilicet tantas opes his moribus amitti: & certum est paucas fuisse gentes barbaras, quæ aliquando luxuriam nō sint amplexatæ, quod malum à victoriis & præda spoliisq; hostium profectum constanter asserendum.

Cum itaque luxus apud Romanos ad summum fastigium culmenq; ita pervenisset, nullis legibus, nullis edictis, nullaq; multa castigari coërcerivē potuerunt. Verum principiis obstandum erat prisca illa severitate & parsimonia, quæ in infantia imperii extitit. Leges equidem sumtuarias Romæ promulgatas invenimus innumeras, sed nulla fuit; quæ capitalem luxum, at ne exilio quidem mulctaret, tametsi probrosè objici solitum Lucio Crasso & Lucullo.

Phania lex, qua cavebatur ne quis carius

ruius

rius obsonaret, tres tantum habuit qui parerent, Mutiū scilicet Scævolam, Ceciliū Tuberonem & Rutilium Rufum, qui historiam Romanā Græcè scripsit, auctores Athenæus & Macrobius. Parsimonia inquit Gellius libr. noct. Att. 2. apud veteres Romanos, & victus atq; cœnarum tenuitas, non domestica solum observatione & disciplina, sed publica quoque animadversione legumq; cōplurium sanctionibus custodita est: Et paulò post. Senatus decretum vetus est C. Fannio & M. Valerio Messala consulis factum, in quo jubentur principes civitatis, qui ludis Megalensibus antiquo ritu mutua inter se convivia agerent, jurare apud consulem conceptis verbis, non amplius in singulas cœnas sumptus esse facturos, quam centenos vicenosq; æris, præter olus & far & vinū, neque vino alienigeno, sed patrio usus, neque argenti plus pondo in convivio quam libras 100. illaturos.

Sed post id Senatusconsultum Lex Fannia lata est, quæ ludis Romanis, item lu-

dis plebeis & Saturnalib. in singulos dies centenos æris infumi concessit, decemq; aliis diebus in singulis mēfibus tricenos, cæteris vero omnibus diebus denos.

Lex deinde Licinia rogata est, quæ cum certis diebus sicut & Fannia, centenos æris consumi permisisset, nuptiis duccenos indulgit, cæterisq; diebus tricenos, tum & carnis aridæ & falfamenti certa pondera in singulos dies constituit. Has leges nonnulli observarunt, eas tamen postea situ oblitteratas L. Sylla renovavit, quoniam videret plerosque in patrimoniis amplis helluari, & familiam pecuniamq; prandiorum gurgigitibus proluere. Legem itaque tulit ad populum, quæ cautum est, ut Calendis, Idibus, Nonisq; diebus ludorum, feriisq; quibusdam solennibus tricenos festertios in cenā infumere jus esset atq; potestas, cæteris autem diebus omnibus nō amplius ternos. Sed hæc ridicula habita est, & à nullo observata.

Nonnulliq; censent eum sic sanxisse, non ut modum sumptibus statueret, sed

pretia minueret, ut pluribus luxuriosè vivendi facultas esset: & mirari subit, Syllam in tanta tyrannide & avorū suorum tantis funeribus & proscriptionibus, tam scrupulosè rei escariæ modum voluisse statuere, & Scauri illius sui privigni portentosissimam prodigalitatem conniventibus oculis præterisse.

Alia autem fuit Lex Æmilia, quæ non sumptus cœnarum, sed ciborum genus & modum præfiniebat.

Postremo Lex Julia ad populum pervenit, C. Augusto imperante, qua profectis quidē diebus ducenti finiuntur, Calendis, Idibus, Nonis & aliis quibusdam festivis, trecenti, nuptiis & repotiis, hoc est, postridie nuptiarum festerii mille, qui quinque & 20. aureis coronatis æstimantur: Christianorum nuptiæ nostra ætate lōgè luxuriosiores, & sumptuosiores, quippe vel quotidiana convivia longè hanc taxationem excedunt, festerii enim ducenti in singulas cœnas quinque æstimantur coronatis. Porro si qui essent Romani, qui simularent frugalitatem

& continentiam, ū quæ lege excepta erant, id est, horrenſia, & quæ terræ nata vocant olera, legumina omnia, fungos & tubera ita laute condiebant, ut facile aliorum, quæ non erant excepta, ſumptus ſuperarent, eaq; nō magnopere deſiderarent, quo factū, ut è luxu in luxum damnosioreſ lapſi ſint magnò ſanctionum illarum contemptu ac deriſu.

Extant & aliæ cenſoriæ leges, teſte Plinio, glandia in cœnis, gliresq; apponi ventantes. Inveni pariter ſunt principes, qui bacchanalia viuentes coërcere luxum ſimularint.

Domitianus in ſumma frugum perſaria & vini ubertate largiſſima edixit, ne quis in Italia novellaret, utq; in provinciis vineæ ſucciderentur. Fertur etiam C. Cæſar legem ſumptuariam ſeverè admodum obſervare juſſiſſe, diſpoſitis etiam circa macellum cuſtodibus, qui cumentium obſonia retinerent.

Verum boni principes bonis ſuis moribus & vita proba exemplum ſatis præbent ſobriè & modeſtè vivendi.

Au-

Augustus in principatu suo, vitæ suæ severitate atque temperantia luxum diminuit.

Hadriani modestia suis pro lege fuit.

Antonius Pius tali usus est victu, ut esset opulentia sine reprehensione, parsimonia sine fordibus, & mensa ejus per proprios servos, aucupes, piscatores, ac venatores instrueretur.

Temperantia quoque nobilitatos invenio Phocionem, Aristidem, Phormionem, exercituum clariss. duces, Epaminondam Thebanum, Agesilaum illum magnum, Cleomenem Lacedæmonium, Alexandrum Macedon. Catonem Censorium, &c.

Non omiserim Imperatoris cujusdam Christiani severum verbum ad milites Sarracenis victos, qui, cum causam in vini inopiam rejicerent, quod scilicet vinum soleat animos incendere, corporiq; vigorem agilitatemq; addere, dixit, at qui vos vicerunt aquam omnes potant, eorum enim lege Mahumetica vini potus prohibetur.

Egregium quoq; Fabricii dictum & factum nefas duxi silentio præterire, cum nullæ sint leges, nullæq; sanctiones censoriæ, quæ magis avocare debeant à vitiis intemperantiæ, quam hujusmodi viro-
rum vitæ exempla. Is Samnitum lega-
tis immensum auri pondus offerentibus,
rogantibusq; enixissimè, ut id acciperet,
atq; uteretur in illa sua paupertate, fertur
manus planas ab auribus ad oculos, &
deinceps ad nares, & ad os, gulamq; atq;
inde ad imum ventrem deduxisse, si-
mulq; legatis ita respondisse, dum illis
membris omnibus quæ attigisset, ob-
stere atque impetare posset; numquam
quicquam defuturum: quo verbo quid
sanctius dici potuit? sed paucos habuit
imitatores Romæ. Certum est tunc ho-
mines bene salubriterq; victuros, si ven-
tri atq; gulæ vasis corporis pessimis non
obtemperarint, sed eorum intemperatis
cupiditatibus & importunis interpella-
tionibus fortiter obstiterint: at eorum
causa major me hercule mortaliū
pars vivit, horum gratia avaritia expeti-
tur,

tur, luxuria his conditur, his ad Indos navigatur, ad Phasin & ultra quærentur obsonia, horum gratia profundissima exquiruntur maria. Quin nulla sunt montium juga, nullæ rupes, nulla claustra, quæ non transcendantur & infringantur, ut venter saginetur.

Multi ob luxuriosam & delicatam victus rationem adepti sunt ventrem pinguisimum & distentissimum in amplitudinem.

Ptolomæus Evergetes VII. Ægyptiorum Rex, & hujus filius Alexander ob quotidianam voracitatem adeo fuere ventricosi, ut vix pedem efferre possint, raroq; in conspectum populi prodirent.

Dionysius Heracleorum tyrannus filius Clearchi ob intemperantissimas quoq; voluptates ad immodicam corporis molem adolevit.

Fuit item Pitho Bizanti⁹ Rhetor obfissimo aqualiculo, pariterq; ejus uxor gulæ scilicet vitio & ventris intemperantia.

Nostra memoria nobilissimarū & cla-

rissi-

rissimarum gentium viri inveniuntur, & in aulis Magnatum non infimum locum obtinentes, qui adeò ventrem tumidum & turgidum haberent, ut multis annis non licuerit pudenda contemplari: quibus tamen voracitatis quoddam vitium à natura insertum est, excusandi veniunt, neque dubium est alios aliis fuisse & eise edaciores naturâ.

Exordium sumemus ab ipso tanto opere decantato Hercule, quem neque famen tolerare novisse, neque gulæ ventrique imperare, neque etiam modum cibis statuere prodiderunt Græci, quæ sunt ardentissimæ & intolerabilis intemperantiæ argumenta.

Est & incredibilis Milonis Crotoniæ edacitas, is enim uno convictu carnis pondo 20. totidemq; panis vorasse creditur, vini verò tres Choas exhausisse, quin & taurum vivum in Olympia humeris suis circumtulisse, stadii unius curriculo prædicatur, ipsumq; postea solû die uno vorasse. Verû in prodigioso robore prodigiosa fortè minus videbitur gula.

Sed

Sed quis Valentem Junium, vehicula cum culcis onusta, donec exinanirentur, sustinere solitum, voracē fuisse non existimaverit, quin & carpenta comprehensa una manu retinere solitum, obnixius contra nitentibus jumentis, aliaque mirabilia fecisse, traditum reperio.

Athanasius autem, quem vidisse se Plinius affirmat, thorace plumbeo indutum, cothurnisq; quingentorum pondo calceatum, per scenam ingredi non parci fuisse putabitur, quemadmodum nec is, qui centenaria pondera pedibus, manibus totidem & ducenaria humeris contra scalas ferebat.

Theagenes Thasius athleta taurum solus edebat.

Astidamas athleta Milesius, qui ter in Olympia victor evasit, plerunque omnia quæ apud Aribarzanem Persarum Regem in convivio parato offenderet, solus absolvebat: quamobrem non inepte dixit ille, mille quidem in Græcia pestes esse, sed athletarum generis pessimam & perniciosissimam.

Est in exemplis quoque Herodotus Megarensis tibicen & saltator, qui panis sex chœnices & carnis lib. 20. ederet, viniq; hauriret duas Choas uno convictu: porro & tubis duabus canere solitum Græci scripserunt.

Celeno Phrygiæ Rex voracitate & ventris ingluvie memorabili extitisse fertur. In hac quoque nomenclatura reponunt Mithridatem illum Ponti Regem maximum, ajuntque quandoque certamen & cibarium & vinarium condixisse, constituisseque victori præmium talentum unum argenteum, atque in eo certamine Regem ipsum declaratum victorem.

Capitolinus Maximum patrem narrat frequenter bibisse uno die vini amphoram Capitolinam, & edisse 40 carnis libras.

Gulosus ille Phago Aureliano Imperatori in delitiis fuit, quod uno in prandio ederet aprum totum, vervecem unum, præterea porcellum & centum panes, exiccavitque orcam vini, quibus in

ventrem exceptis percontatus est co-
cum, quamnam hora sit redeundum ad
cœnam, teste Vopisco. Digna hercule
gula harpyis rapacibus.

Proximum nunc est, ut vinolentiæ se-
ctatores prosequamur, bibaces & vino-
fos; qui circa perdenda vina occupati
sunt: dederat nobis natura aque potum,
qua cætera omnia utuntur animantia.
Verum ejus benignitate non contenti
multo labore magnoque impendio li-
quores alios quærivimus, qui mentem
animumque obtunderent, atque etiam
adimerent, quin & corpora effœmina-
rent & mollia redderent. Id verò non in
una orbis terrarum parte inventum est,
sed ubiq; gentium.

Bibacitate autem nominatissimi atq;
celebratissimi fuerunt Græci, qui diebus
festis inferias agentes pro poculis cer-
tabant, pluris facientes vinolentiam
quàm opes. Hinc trita vocabula sunt
græcari & pergræcari. Ægyptii vino o-
lim admodum dediti fuerunt, eò enim
abundabant. Sed contrà hodie evenit.

Nam

Nam jurarunt in Mahumetis perditissimi legem, quæ vini usum sectatoribus abdicavit: quare paucas vites illic nunc videas. Romani Tricongium Torquatum appellârunt à tribus uno impetu congiis exhaustis, & bicongium à duobus congiis Ciceronis filium. Xenarchus Rhodius Metretes dictus est à potione immodica. Maximinus, auctore Capitolino, pater, amphoram Capitolinam siccabat sæpe in die, amphora vero octo congios capit, seu duodequingenta sextarios.

Tyberius, quod ad merum pronior esset, dictus est Biberius, & pro Nerone Mero. Antiochum quoq; Magnum vinosum extitisse, historiæ testantur.

Alexandrum ad vina pronum fuisse, testatur Plutarchus, bibit apud Mediam vini fortis congios duos, & paulò post extinctus est; Philippus quoque pater ebrietati indulgisse multorum consensu dicitur: De quodam vini potatore reperitur, Syracusis tamdiu potare solitum, donec ab eo cooperta ova in terra fœtum ede-

rent.

rent, prodente Aristotele & Plinio ejus interprete.

Cato Uticensis huic vitio affinis fuisse creditur. Bonosus Imperator, ut scribit Flavius Vopiscus, bibit quantum alius nemo: Et si quando legati barbararum gentium undecunq; venissent, ipis propinavit, ut eos vino obrueret, sic enim ab ebriis consilia eliciebat. Idem Phagi cujusdam meminit, qui vini orcam uno convivu biberet.

Dionysius Siculus Nestor item vinolentus traditur, nam vel gravi instati pugna à potu non abstinuit.

Illyrii cubantes coenant & bibunt, ut Menander scriptum reliquit, quin & suas uxores convivibus adhibent, quibus propinare egregium & pulcrum putant: at demum ipsæ viros è convivio deturbant, alvumq; sibi fasciis zonisq; latis cingunt, dum portant: Primum quidem leviter & modicè, postea verò cum liberalius bibant, arctius validiusq;. Cõstat multos invictosq; exercitus militum vinolentiâ fuisse deletos. Carthagin. nõ sinebāt in castra vinum deferri.

Alcei poetæ memorabilis fertur ebrietas: namq; semper potans inventus est, scripsitq; sua poemata ebrius: quod & de Comico Aristophane proditur: quin & Epicharmum in scenam primum vinolentiam invexisse ajunt, ut in totum dixisse liccat, poetas vel insignes vinosos fuisse. Extant compluria nobilia exempla vinosorum, quæ audientium fastidio parcens prætereo: plura qui desiderat, legat cœnas Athenæi, in quibus magnum Asotorum catalogum reperiet.

Sed & sceminarum genus vini fuisse avidum poetæ Græci scripserunt.

Quin & annalibus Romanorum reperiuntur sceminæ vinosæ vel priscis illis temporibus, quibus luxus incognitus & ebrietas videbatur.

Romulo regnum obtinente Egnatius Meterninus uxorem, quod vinum è doliō bibisset, interfecit, cujus cædis absolutus est à Romulo.

Est quoque inter exempla, matronam quandam à suis inediâ mori coactam, quod oculos in quibus erant claves vi-

nariæ

narix cellæ, resignavisset.

Præterea invenimus mulierem à Cneo Domitio dote mulctatam quod viro infcio plus visa esset vini bibisse, quam valetudo exposceret. Polybius apud Athenæum scribit, Rothanorum sceminis vinum bibere non licuisse.

Cato censuit osculum sceminis dari propinquis, ut scirent an temetum olerent, hoc enim tunc nomen vino erat.

Nostre hodie cautiores sunt & callidiores, quæ à vini haustu cõmanducant, aut anisum saccharo intectum, sceniculum, aut coriandrum, quo diverticulo imponunt maritis atque adulteris.

Apud Massilienses lex quoque fuit, quæ mulieres aquâ potare jubebantur, hancque legem eandem Mileti sua ætate viguisse Theophrastus autor est. Præterea apud Romanos præter sceminas, nec servilia vinum potabant, nec adolescentes qui annum 30. non attigissent.

Antiquiores quoq; Romani in conviviis liberaliorib. tot cyathos singulis haustibus ebibere soliti sunt, quot erant literæ

in nominibus amicarum; à qua consuetudine Martialis Epigramma libr. i. emanavit:

*Nænia sex cyathis, totidem Iustina bibatur,
Quinq; Lyca, Lyde quatuor, Idatribus,
Omnis ab infuso numeretur amica salerno.*

Atque inde sunt inventa vocabula, triens, quadrans, quincunx, septunx, & reliqua quæ non magis pocula, quam menses significant.

Sed certum est Romanos potiores habuisse memorabiles, quod satis indicant bicongii, tricongii atq; amphorarii: quavis consuetudo hic plurimum valeat, nam quanto plus biberint, tanto plus sitiunt Parthi: verum sitis causas non stomachi tantum infirmitati vel firmitati, quod Budæus facit,tribuendum, cum aliunde veniant. Capacitas certe ventriculi & ejus amplitudo cibi & potus majorem copiam expetit, arguitq; firmiorem constitutionem visceris: angustia verò & parvitas contra imbecillitatem, potulentorumq; ac esculentorum parsimoniam suadet.

Itaq; hic tenendum, errare eos qui omnem morborum causam in intemperantiam rejiciunt, quasi hæc sola & unica sit omnium morborum mater. Licet enim plures occumbant crapula quàm capulo, lancibus quàm lanceis, constat tamè experientiâ certisq; auctoritatibus, etiam exactissimè viventes in periculosos sæpe morbos incidisse.

Verùm de vinolentis hætenus, nunc de priscorum quoq; poculis dicendum aliquid, quæ fuisse multiplicia & variasse etiam pro vinosorum miro ingenio & luxus inconstantia, nō est obscurum judicatu. Latini patoria & pocula appellant, græcè *πρωτόγια*.

Sed hic prius docendum, an prisci maioribus & capacioribus poculis sint usi, quam nostra ætas. Scio enim non raro in cōviviis liberalioribus hanc quæstionem excitari.

Dicæarchus Messenius Aristotelis discipulus antiquos minoribus patoriis usos & dilutius bibisse prodidit.

Chamæleon Heracleotes in eo libro

quem de ebrietate scripsit, antiquos Græcos censet haud quaquam in usu habuisse capaciora pocula, sed id ipsum esse novitium in Græcia, postea inventum à barbararum gentium moribus translatum: quin in nulla Græciæ parte pocula ampla fuisse admissa in mensas & potus, quam à Solis magnatibus, heroibusq; ab aliquo scriptum esse idem testatur.

Spartanis regibus teste Herodoto, binæ dabantur cotylæ, cæteris verò singulæ in convictibus, tanta erat apud eos vini parsimonia.

Nestoris poculum apud Homërum celebratur insigni amplitudine. Unde patere potest potorium datum cyclopi ab Ulyssë parvum haud quaquam extitisse. Poculorū autē nomina recensere quædam absurdum non est, maximè quorum usus crebrior fuerit & nobilitas præstantior.

Fuere quædam potoria gentibus peculiaria, καὶ οἶνον Lacedæmoniis, quod genus erit utile & commodum in bello: ubi plerumq; aquam impuram haurire necesse sit: quin & eisdem figulinis usos

in

in epulis nuptialibus solennibus & sacrificiis traditur: nam in aliis conviviis aliis vasis potabant.

Quin & Argivi in quibusdam cœnis figulina usurpabant. Sed inprimis Agathoclea regem ferunt potasse, fictilibus & cœnasse etiam, cum tamen amicis suis & convivis aurea præberi curaret, ne scilicet oblivionem originis suæ ad insolentiam indueret sublatus ex humili patris figuli fortuna ad regnum.

Romæ quoq; eo pervenit aliquando luxuria, ut fictilia pluris venirent quàm myrrhina: unde & collegium figulorum illic constitutum esse narrant.

Nobilitantur gentes terra sua & vasis ex ea. Vasa Arretina commendabantur.

Surrentum calicum nobilitatem retinuit: Saguntum quidem in Hispania, & in Asia Pergamum, & hæc ultro citroq; per maria transportabantur.

Sed Choæ in maxima erant gloria, Hadrianæ firmitatis nomine laudē adeptæ. Amphora vas erat condendo vino accommodatū, non mensis, quanquā Tiberiū

viniamphoram super cœnam cuiusdã propinasse inuenio, quam uno impetu exhausterit. Potoria ingentia à Romanis usurpata constat. Nam & eorum procères sic gloriam quæsiuissie memorantur, unde Tricongiorum & Bicongiorum præclara illa cognomina. Sed quis quæso crederet hac nostra ætate posse reperiri, qui uno impetu tres congios aut etiam amphorã exsorberet. Plinius, ubi de ebrietate vitanda locutus est, venena excogitata ad sitim querendam pariter enarras, cautissimos, ait, ex his balneis quoq; coqui videamus, exanimosq; efferri: jam verò alios lectum expectare non posse, imò verò nec tunicam, nudosq; ibi protinus & anhelos ingentia vasa corrumpere velut ad ostentationem virium, ac plene infundere, ut statim evoiant, rursusque hauriant, atq; iterum, tertioq; tanquam ad perdenda vina geniti. Ex quibus verbis maximis potoriis Romanos bibisse elicitur.

Præterea varias eorum figuras fuisse & cœlaturas non est dubium, alia enim

ven-

ventrosa & patula, alia angustiora & strictiora: Invenio crateras, pateras, calices, cyathos, Scyphos, Carchesia, in frequentiori usu apud Latinos. In Pauli Æmilii triumpho, crateres argentei, cornua, phialæ, & calices grandissimi affabreque facti & pulcerrimè ornati deterebantur.

Crater, ut Græci putant, dicitur à κρᾶσι, hoc est, miscere & temperare aquam vino, vel ἀπὸ τῆς κρᾶτος, q. κρᾶτις, quoniam in cornu olim vinum infundebatur: Mos enim fuit antiquioribus primum cornibus potare, idq; fecisse Thraces Xenophon docuit, quin & Philip-pum Macedonem Atheniensibus cornu propinasse ferunt. Peonios ajunt boves educare, qui cornua gestent tantæ magnitudinis, ut capere possint tres & quatuor choas, quare ex iis facere pocula, quorum labia argento aurove circumducantur. Porro Athenienses cornibus aureis usos in potibus quidam memoriæ tradiderunt, unde Virgil. dixit:

Crateras magnos statuunt, vinumq; coronant.

Et grandem fuisse craterem oportuit,

E 5 post

post quem Virgilius lib. 9. *Æn.* Rhetum sese tegentem ne ab Euryalo interficeretur, scripsit, quod etiam carmine suo indicat:

Est magnum metuens se post cratera tegebat.

Pateram quoque in auctoritate fuisse non ambigitur; nam à Virgilio sæpè nominatur, præcipuè verò in Didonis convivio: Cum primis autem principibus & proceribus peculiaris existimatur: unde Fabricius quidem ille Romanus bellicosos Imperatores vetabat habere pliusquam pateram & salinum ex argento, Calices, qui à Græc. *κήλικες*, multis modis luxuria variavit. Sed hoc quoque non fuit satis. Gemmis potare instituerunt mores Romani, & calices Smaragdis contexere, quod Maro severè admodum & verè reprehendit carmine suo Georgico, cum ait:

*Hic petit excidit urbem miserosque penates,
Ut gemmâ bibat, & serrano dormiat ostro.*

Murrhinorum verò & crySTALLINORUM gratia inventa est ad rigidos potus, qui-

bus

bus pretium fragilitas fecit : Murrhino calice 80. sestertiis empto capaci ad sextarios sex potavit consularis quidam ob amorem abraſo ejus margine, ut tamen injuria illa pretium augeret.

Nero amiſſarum rerum nuncio accepto duos calices cryſtallinos in ſuprema ita fregit illiſos, ut ne quis alius biberet. Idem quoq; Scyphi fracti membra ſervari, ut oſtentarentur, curavit. Quin & capedinem quadringentis ſeſtertiis, ut princeps Romanus pretioſiſſimè biberet, mercatus eſt. Murrhina ex Oriente petebantur, illic enim plurimum naſcebantur, præſertim in Parthorum ditione & Carmania.

Cryſtallina in ſummo fuerunt honore, deportanturque à Venetis: ad frigidos & rigidos quoque potus quæſita cryſtallus, planeq; omnium conſenſu glacies eſt, nullibi enim reperitur, niſi ubi hibernæ nives maximè rigent. Naſcitur ſexangulis lateribus. Xenocrates teſtatus eſt vas amphorale ex ea viſum.

Vitrea nunc ſequuntur, ex quibus im-

primis

primis laudantur candida translucentia. Usus eorum creberrimus tum Magnatibus, tum pauperibus. Sunt autem coloris impatientia ut crystallus; nisi præcedat frigidus liquor, quin & virus aut venenum non tolerare vulgò creduntur, aut acrimoniam ceparum, aliorumve id genus: fiunt autem omnibus ferè coloribus, nulla enim materia aut sequacior & ad picturam commodatior: rarò tamen sic picti & coloribus infecti calices ad potandum usurpantur à vitam nidiorem viventibus, tantum ad ostentationem habentur, nisi qui margines inauratas habere visuntur, aut raras lineas in calicis orbe rectas transversasq;: alii ad escaria vasa, hoc est, tragernatum & Saccharorum, vitro picto utuntur, aut rubro aut cœruleo, & hyacinthum imitante aut Sapphyrum. Inopia ligni vitreorum annonam flagellat.

Scyphi nomen quoq; Græcum esse certum est, *ἀπὸ τοῦ σκαφίδου*, hoc est, vasculo, quo lac aut serum continetur, cœptiq; sunt fieri fictiles & argentei, multis-

que

quæ modis ornabantur, auro, argento, gemmis & cælaturæ artificiiis singularibus, idcoq; à Roman. ad potandum usurpabantur, verum in Scyphis aurum spectasse prodigiosum habitum & luxuriosum, Plinius testis est, ubi de petoritorum & vehiculorum ornamentis & inani luxuria differit.

Vasa quoq; potoria ex Onyche facta primum in Germania: quin & amphoræ ex eo lapide & vrcei: absurdè labuntur hic qui Onychem unguem interpretantur.

Trulla præterea inter vasa vinaria reponitur, quæ ex auro & murrhino fieri luxus excogitavit, etjam ad ventris excrementa excipienda.

Fuerunt & alia pocula affabrè facta & cælata, ut illa duo, quæ Germanicus Cæsar dedit Cassio Syllano præceptoris suo Calamidis manu cælata, quæ postea Zenodorus ita æmulatus est, ut vix ulla artis esset differentia.

Fiebant item potoria vasa ex Carchedonio, & hodie etjam ex argento & ar-

gento

gento vivo, quod vitæ insidiosum arbitror, vix enim fieri potest, quin tempore atteratur & absorbeatur aurum, & reliquæ argenti vivi potibus admisceantur, quæ viscera perrumpant dira tabe: nam certum est aurificum & artificum inaurantium corpora tremore pertentari. Esse quoque Carchesium antiquissimum potorium figuræ oblongæ, testatur Virgil. *Æn.*

*Hic duo rite mero libant Carchesia Baccho
Fendit humi.*

Nomen ei redditum putant à suprema mali in navi parte.

Magnam denique poculorum nomenclaturam à Græcis ad Latinos transiisse extra controversiam est, cumque nobis plus quam abundè omnis generis suppetant, facto sine rivos claudo.

Audivistis de prisca seculi inclinatis ad luxum moribus, qua gloria, si nostræ ætatis mores hominesque defraudarem, magnam certè injuriam facerem. In hac innumeri vivunt ut edant, non autem edunt ut vivant, longè à Socratis sapien-

tissimi

tissimi sententia remoti. Vina enim hac nostra ætate tam profuse prodiguntur apud Christianos, ut videantur ad perdenda ea geniti: proceres, pauperes, plebs infima, infantes, pueri, viri atque feminae pariter vinum amplectuntur, nec sine eo vitam putant beatam, ut nulla in parte operosior vitam nostro seculo inveniamus quam in perdendis vinis. Apud nos enim sine lege, sine modo bibitur.

Germanorum bibacitas apud alias gentes hodie ante cuncta nobilitatur, atque inter miracula celebratur, cum singuli quaternos quartarios uno prandio hauriunt, & hodie vasa potoria cernuntur, quæ plus quam duas Choas capiant, quibus hospites & externos liberalissime invitant & proluunt: ac nullus hoc tempore est, qui luxuriosas & profusas menses non struat, quiq; coquos ganeaq; artifices peritissime cibos cõdientes & patrimoniamergentes non querat, quam vitæ intemperatiam apud Christianos maxime debacchari memoria nostra videm⁹.

In conviviiis enim nostris omnes studemus & certamus pro luxus patina & principatu.

Nam quo quisq; exquisitissimorum obsoniorum varia genera epularumque varios apparatus & lautos profusus dat, eo magis commendatur: at quanto innocentius ille victus fuit, de quo Plinius, qui tunc Asiæ præerat in Epistola quadam ad Trajanum Imperator.

Coibant Christiani, ad capiendum cibum promiscuum & innoxium. O tempora! O Christianorum mores prostratos! venimus eo, ut maxime cibis pereamus, hinc innumerofissimum illud morborum agmen ac satellitium novum, quod indies gulæ culpa emergit: nam certum est vino potuque immodico plurimos funeris ante diem interire.

Verum enimverò, ne quis existimet, me omnem epularum apparatus abjicere, velleq; ut Christiani ab omni prorsus conviviali consuetudine tanquam monophagi sint alieni, ei ex multis hoc unicum dico, tantum abesse, ut tale quid

sen-

sentiam, ut etiam in veteri & novo Testamento pios & religiosos homines convivia & aliis apparasse, & invitatos aliorum convivium adire, quin & Deum ipsum convivium laeta populo suo praescripsisse atque mandasse, non ignorem, facileque si opus esset, id probari possit. Ipse Christus omnium exemplorum rationumque loco nobis debet esse, quem Evangelica historia tradit, & convivio alios excepisse, & ad aliorum convivium accessisse, atque adeo cum improbae famae hominibus, publicanis & meretricibus saepe numero convivium inire minime dubitasse, non libidine quadam immoderataque cibi potusque aviditate, sed, ut Hieron. 8. 9. Matth. disserit, ut occasionem haberet docendi, atque illorum invitationes cum spiritualibus epulis compensaret, illosque hac occasione ab improba vita ad bonam frugem perduceret. His adde Salomonis in Ecclesiaste testimonium, nihil, dicentis, homini fere optatius esse, quam laetari, convivari, & soluta quadam animi libertate esse: Nec non Siracidis

c. 31. & 32. docentes convivium jucunda esse, &c. Si igitur Christus cum Phariseis, publicanis atq; meretricibus convivari solitus est, nobis quoq; an hoc liceat, queritur? Respondetur non simpliciter & in universum omnem convivendi cum improbis libertatem Christianis in sacris literis interdici, quam etiam ipse Paulus relinquit liberam, 1. Cor. 10. Sed nimium convictum prohiberi, cum videlicet quis avidè, magnoq; studio & voluptate consuetudinem eorum sectatur cum dictis vel factis illorum superstitionibus pietatiq; præbet assensum, cum religionem veram criminandi subministrat occasionem, & Christi exemplo contrarius, in impietate & superstitionibus ipsos confirmat, cum præcipuus conviviorum finis sit, omnia facere ad Dei gloriam. Inordinata igitur, immoderata, luxuriosa, monstrosa, portentosa & sumptuosa convivia damnantur, quæ non ex honestatis, & caritatis erga Deum & proximum studio, sed ex ambitione & inextinguibili quadam voluptatum cupiditate insti-

instituantur. Contrà verò frugalia, munda, parca, immoderata, jucunda, suavia (quæ honestis & liberalibus jocis sunt condita), quales verè elegantes ac eruditi homines solent afferre e Musarum sacratio) maxime probantur, sunt enim luxus exotici doliq; ignara. In horum censu fuit cœna Saturnia, quæ à Poëtis aureo seculo tribuitur, proverbialiq; tropo dicitur pro beata. Cœna Icci Medici Tarentini, cujus vitæ parsimonia in proverbium abiit. Meminit Ælianus alterius cujusdam Icci Tarentini luctatoris, quem toto certaminis tempore temperatissime vixisse, veneriq; omnis fuisse expertem scribit. Inter frugales quoq; & moderatas cœnas referuntur philosophicæ, frugalissime Athenis à Diogenistis, Antipatristis, & Panætiaistis instructæ, ut moderatè & eruditè de rerum natura differerent. Convivium quoq; Musicum pro mediocri temperatoq; passim apud autores accipi testantur Athenæus lib. 10. dicens, convivio exceptus mediocri & musico: Et Plutarch. in præc. salubrib.

Convivium frugalia & amica.

*Cœna Saturnia.
Cœna Icci.*

Cœna philosophica.

Convivium Musicum.

Timotheum Atheniensem ducem cænasse dicit in Academia apud Platonem Musicam & frugalem cœnam: Atque hinc Lucianum convivium sapientum virorum *μουσική* appellasse puto. Cœnam quoq; Platonicam proverbialiter & parcemiace pro mediocri & frugali usurpata invenio, propterea quod is Philosophus ejusmodi cœna fuisse delectatus scribitur. Unde Timotheus Cononis filius sumtuosis cœnis indulgens, à Platone exceptus tenui, musico & moderato victu, dixit, eos qui apud Platonem cœnarent, postridie bene se habere. Horatius lib. 2. Satyr. 5. cœnas quoq; rusticas vocat tenues minimeq; sumtuosas, dicitque post eas se noctes ducere quietas & tranquillas. De his conviviiis verè & convenienter dicitur, quod sint mutuæ hominum caritatis, amicitiae, benevolentiaeq; vincula & symbola. Unde rectè à convivendo dicuntur, vitæq; conjunctione & quasi convictu, quod tunc maxime simul vivatur, teste Ciceron. lib. de senect. Nonius Marcell. epularem amicorum

corum accubationem vocat. Aristoteles in Ethicis convivationses hominum amicitias tuendis ac stabiliendis perquam accommodatas esse scribit. Cicero Pætum monet, ut cum viris bonis, jucundis, suisque amantibus vivat, sermone enim familiaris, qui in convivio est dulcissimus, vitæ nihil aptius esse, nihilque ad beatè vivendum accommodatius: ac plura alia præclara doctissimorum testimonia ad hunc conviviorum finem demonstrandum extant: Unum tantum producam, quod est Plutarchi lib. 4. Sympos. problem. 1. Ubi convivii finem esse dicit amicitia vel generationem, vel confirmationem junctam cum voluptate, unde convivium definit vivendi rationem per vini usum in amicitiam desinentem.

Hinc festivè admodum Romanus ille solus aliquando cœnans eo die se non cœnasse dixit, sed edisse tantum, innuens cœnam semper communione & amicitia veluti condimento indigere.

Necque verò ad amicitiam tuendam stabiliendamque tantum convivia valent, sed

& ad similitudines inimicitiasque auferendas: graves enim diuturnasque privatorum hominum similitudines odiaque conviviiis extincta legimus, ac etiam nunc hodie sæpè homines capitalibus à se invicem odiis diffidentes conviviorum occasione sibi invicem reconciliari. Sic M. Crassus Ciceroni reconciliatus convivio est. Scipio & Hasdrubal convivio sibi invicem reconciliati: Ut verè dixisse liceat, mensa posita contentiōnem tolli, hoc est, mensæ communione sæpè tolli rixas, inimicitiasque ac gratiam reconciliari, cujus rei exemplum profertur de Isobetho filio Saulis, in cujus ædibus cum exarsisset altercatio, servus ejus adornato convivio dicitur eam diremisisse. Habetenim nescio quid philtiri in se vinum ad amorem reconciliandum. Atque hæc de conviviiis frugalibus & moderatis, que si nimis sunt sordida & parca, rectè appellantur Cynica & Timonia: Cynicorum enim Philosophorum victus erat vilissimus, tenuissimus & sordidus, siliquæ videl. & legumina. Timonica à Timone,

cui

Convivii
Cynica.

cui humanum genus exosum erat, dictæ sunt, is enim vitam sequebatur feram, in cibisq; vilissimis & à reliquis hominibus propemodum damnatis acquiescebat. Huc referuntur cœnæ terrestres, quæ nil nisi terra productum continent, quas Horatius cœnas sine sanguine vocat: & passerinum convivium, pro exiguo bolo & minuto, quantum vel passer assumat. Sordidum denique nimisque tenue convivium est absque fumo, in quo nihil cocti, obsoniiq; apponitur. Quemadmodum igitur, qui nimia conviviorum crebritate atq; frequentia, coramq; profuso, splendido ac sumptuoso apparatu gaudent, in excessu peccant, ita contrà in defectu sordide delinquant: I. Qui ita à conviviali consuetudine abhorrent, ut neq; alios ad se, epularumq; suarum communionem unquam invitent, neq; invitati ad aliorum convivia accedant, id quod feræ cujusdâ immanitatis esse videtur, quippe cum ipsa natura atq; humanitas, hanc vitæ cœnatarumque consuetudinem postulet. II. Cum quis

Cœna sine sanguine.

Passerinum.

Sine fumo.

Sordidi qui? & tria horum genera.

invitatus, liberè quidem & promptè alio-
 rum convivio se sistit, at ille invitat nemi-
 nem, id quod avaritiæ ingratitudinisq;
 cuiusdam flagitiosissimæ vitium est, quo
 quis laborans *ἀμωρεῖσθαι* rectè dici-
 tur, cui nimirum dulce est aliena vivere
 quadra. Horum passim reperiuntur plu-
 rimi, quos neq; pudet, neq; piget, neque
 pœnitet inconviventia suæ & monopha-
 giæ sordidissimæ, & si quando honestio-
 ribus liberalioribusq; conviviiis adhiben-
 tur, alienamq; quadram arroderè ac lin-
 gere illis licet, tanta ciborum ingluyie se
 infarciunt uno prandio cœnave, quanta
 vix decem alii, accusari se à natura & ge-
 nio existimantes, si in tanta epularum
 struæ apparatusque eum defraudarent.
 III. Cum quis ad convivium à se invita-
 tos nimis tenuiter sordideq; tractat, eos-
 que semifamelicos atq; sitientes dimittit,
 qui *μικροτράπεζος* potest appellari, hoc est,
 parvam & angustam mensam ponens;
 Ubi tamen excipiendi, qui adversa vale-
 tudine impediti, vel negotiorum multi-
 tudine districti, vel denique ex inopia &

egestate, conviviali hujusmodi officio
fungi minimè possunt. Quamvis & hîc
avaritiæ sordibus polluti inveniâtur, qui,
convivia quidem a symbola, quæ solius
convivatoris sumptibus constant ac ap-
parantur, hiant ore ac prôptissima men-
te accedunt, ad symbolica verò & colla-
titia (ad quæ singuli convivæ certas quas-
dam portiones, vel esculentorum, vel
potulentorum, vel etiâ pecuniæ certam
summam, amoris amicitiaëque mutua
ac declarandæ conciliandæ gratiâ, con-
ferre solent,) invitati, quovis vel levi etiâ
prætextu se excusant, interesse se convi-
vio nunc non posse, jam jam accepisse se
litteras, ad quas protinus nullaq; interpo-
sita mora sit respondendum, tentari se,
nescio, qua capitis gravedine, vertigine,
oculorumq; caligine: sentire se insignem
corporis alterationem, vel occupari se
necessariorum negotiorum mole: his &
similibus prætextibus multi hodiè, try-
gobii, tryfibii, ac quovis luto lutulētiores,
legitima & humaniora convivia refuge-
re norunt, ne scilicet de suo in cœnam a-

*Conviv-
ia a-
symbola
& sym-
bolica
qua?*

*Trigobii
q. face
vidit a-
tes.*

*Tryfibii
q. anxie
& cum
gemis
viventes.*

aliquid conferant, cyclopica quadā misanthropia, vel avaritia ducti, tæce victitare anxieq; vivere, ficiq; arboris foliis vesci, sordideq; cœnare malunt, quam mutua benevolentia amicitiaq; cum aliis cōjungi, quam certas quasdam portiones ad Symposia illa collatitia conferre. Hujusmodi collatitiarum cœnarum illustra exempla fuerūt dilectiones illæ Christianorum primitivæ Ecclesiæ, quæ quidem inter divites & pauperes, amicos, vicinos & propinquos agitari promiscuè etiam nunc cōsueverunt ex collectis sive symbolis, quæ à singulis cōferuntur. Paschales similiter epulæ, quæ apud Christianos nonnullos summa cum liberalitate & lætitia quotannis celebrantur, ex collectis constant sive symbolis, dona enim atque munera, ut ova, placentas, panes saccharatos, & mellitos, carnes, & vina ad festivitatis illius celebrationem, colliguntur atq; conferuntur. Legislatores deniq; sapientissimi publica olim convivia & quotidiana etiam, syssitia dicta, & phiditia, ut facilius cives in officio, parsimonix frugali-

galitatisq; studio, in primis verò in mutuo amore: benevolentia atque concordia continerent, instituerunt. Hanc quoque victus quotidianum cōmunionem probat Plato 5. de legibus, ubi singulis in locis oportere esse syssitia, in quib. simul omnibus convivandum sit, asserit: Quin & Aristoteles Politic. 7. syssitia approbat, conducibilia esse inquit, communi omnium consensu benè constitutis civitatibus syssitia, multitudinemq; oportere in syssitia sive sodalitates esse distributam. Probatq; ibidem antiquam esse syssitiōrum τῶν τε, omniumq; antiquissima esse Italica, à quibus reliquorum populorum syssitia fuerunt deducta, ut Creten- sium, Spartanorum, Lacedæmoniorum, quorum meminit Cicero 6. Tuscul. Carthaginensium, Atheniensium, quibus non ineptè Germanorum syssitia collegia, sive sodalitates comparari posse existimo, in democraticis præsertim Rebus publicis publicas cōmestiationes ac quotidianas in frequenti usu esse nemini nō est notum, in quem etiam usum ampla

Syssitia
à p. m.
nis plu-
losoq; h.
appro-
banu

& splendida cœnacula extructa cernuntur, quæ vulgò à potatione gentilitia lingua appellantur, *Trinckstuben* / *Gesellenstuben*, sodalium domus, in qua ejusdem muneris atq; officii artificisq; homines, eodem vitæ genere utentes conveniunt, coeunt, tum ad mutuam benevolentiam atq; amicitiam tuendam, tum etiam ad honesta legitimaq; fœdera atq; conventus sanciendos atq; confirmandos. Ubi verò commestationum & compotationum existit intemperantia, quam in pluribus hodiè civitatibus & oppidis debacchari, imo maximam fere orbis partem perbacchari videm⁹, cumq; factionis cujusdā metus suspicioq; subest, syssitia magistratus autoritate sunt abolenda, evertenda & dissolvenda, ut illicita, nova, illegitima, & intempestiva, in quibus sc. mensis sumptuosis accumbentes, voraciū instar pecudum Epicuriq; de grege porcorū vino ciboq; adeo se obruunt atq; infarciūt, ut omnem mentis rationisq; usum amittant, impiis nefariisq; contra Deū & proximum pactis fœderibusq; se obstringant

atq;

atq; devinciant, unde maxima mala atq; calamitates necessario enascuntur. Verum sat cōmessatum est, sat prolixè cœnatum, nunc redeamus ad propositum.

Sed de convivarum numero mira est sententiarum inconstantia. Aulus Gellius à trium grati in numero ternarium in literas retulit, unde fortè Horatius carminibus suis ternarium numerum tantum ascripsit, cum inquit:

*Tres mihi conviva propè dissentire videntur,
Poscentes vario semper diversa palato.*

Triclinii verbum à tribus lectis, qui contigui sternerentur, quibus convivæ (ut nunc quoque Turcæ & Græci) accubarent? Hinc Homerus:

Sapè tribus lectis videas cœnare quaternos.

Et Juvenalis:

*neglectum adhibere clientem
Tertia ne vacuo cessaret culcitra lecto.*

Sunt apud Græcos, qui tres tantum convivas adhiberi censuerunt, alii quatuor, alii quinque, alii sex, ut ita possit intelligi rarius illum morem fuisse observa-

tum.

tum, nisi fortè apud Philolophos & literarum studiosos.

*An inter con-
vivandum de-
cent phi-
losophari?*

Porro quæstio quoque fuit & hodie frequenter versatur, num inter epulas & convivandum filere oporteat omnino, an philosophandum, & de negotiis seriis loquendum? Quidam enim existimarunt ferios & philosophicos sermones mensis abdicandos: atq; etiam alia negotia quæ intensiorem cogitationem desiderent, nihil enim castæ philosophiæ commune esse cum turbulento Baccho ajunt. Nam quemadmodum apud quasdam gentes non licet conjugibus viris suis convivia celebrare, forasq; prodire, sed concubinarum & meretricum est epulis interesse & lascivire, produciq; in vulgus & pudorem exuere, ita philosophiæ arcana inter patnas & pocula minimè detegenda sunt aut propalanda. Isocrates orator summus; rogatus aliquando super cœnam, ut de eloquentia sua quippiam diceret, respondisse sic fertur, quæ præsens locus tempusq; exposcit, ego nō calleo, quæ ego calleo, nec loco præsent

sunt

sunt accommodata, nec tempori. Horum autem mirari subit opinionem, cum maximos & clarissimos philosophos libros peculiariter dicasse constet institutioni conviviorum. Platonem dico & Xenophontem Socratis discipulos, qui studiose & diligenter officia convivialia pertractarunt. Quamobrem de Philosophiæ fontibus in mensa aliquid propinare, non importunum videri debet, sed maxime tempestivum & utile. Mos fuit doctissimis Romanis inter cœnas aliquid legere, & etiam excerpere & adnotare, quod utrumque Plinium factitasse invenimus, aliosq; non paucos. Cornelius tamen Celsus à cœna intensam cogitationem non esse tutam asseruit, quin & medicorum placita decernunt, haud esse inter edendum laborandum, proinde tunc intendere lectioni animum forte non parum esse noxium quis censuerit? Id observari in ludis literarum videmus, ut cæteris prandentibus aut cœnantibus unus pulpitem conscendat, legatq; aliquos Doctorum virorum commentarios, vel etiam caput

ex sacro codice. Ego certè in ea sum opinione, ut morosos ac retricos sermones à mensa debere procul abesse autumem, & convivorè rusticum & inurbanum, qui convivas suos (ut pleriq; nunc faciūt) quæstionum ambagibus & deliris propositionib. exagitat. Id verò male sani quidam agunt, quoties hominem vel Theologiæ, vel Jurisprudentiæ, vel Medicinæ Philosophiæq; peritum invitarint ad cœnam. Accedere in primis ad cibos hilaris quisque debet, & potibus jocos admiscere, non illos quidem histrionicos & ridiculos, sed honestos & liberales, quales vere elegantes homines solent afferre ex Musarum sacrario. Pythagoricum illud silentium, loquacitatem item & garrulitatem ante cuncta damnari videmus atque improbari. Quare modus statuendus & inter utrumque medium. In lætitia convivali quis ferat medicum aliis cœnivis leges præscribentem ciborū & potuum? quis Philosophum de metaphysicis differentem? quis Jurisconsultum de nodis legum disceptantem? quis Astro-

nomum

nomini de Epicyclis, metopomâticum de lineis frontis? Mathematicum de numeris terræq; mensura, & id genus alios disciplinarum professores? Qui igitur scientia aliqua clarus cōvivio adhibetur, nō de ipsis, ut ait Macrobius, profunditatis suæ inter pocula secretis loquetur, nec nodosas & anxias, sed utilis facilesq; quæstiones movebit; Scyphis enim ad lætitiā natis Nympharum Musarumq; societas non erit sic intempestiva: meminisse autem oportet convivia mura fere semper displicuisse: unde cōvivatori curandum, ut convivas adhibeat hilares, qui epulas eruditis & suavibus sermonibus condiant. Accidit tamen, ut mensarum initio ferè semper conticecant cōvivæ, intenti scilicet patinis, postea procedente convivio hilariiores facti sermones & murmura exoriuntur. Calo Major in agris cœnas opiparas exhibebat, ad quas invitabat vicinos, agricolas, æquales suos & familiares: quæ quidem consuetudo non solum æqualibus suis, sed & juventuti quoque erat gratissima, quippe

propter multarum rerum experientiam, orationem memorabilem, sermonesq; prudentissimos studiosissimè observabatur. Mensam autem amicitiae eximiam conciliatricem semper affirmavit: Solebat item super mensam cives de Repub. benè meritos laudibus exornare, contra verò malos & improbos convitiis proscindere.

Paulus Æmylius, qui de Perseo Rege Macedoniæ triumphavit, post eam victoriam instructissima convivia apparavit: Etenim dicebat ejusdem esse artis & disciplinæ, terribilem aciem, & suave convivium struere, illam ut formidolosus hostibus, hoc ut amicis gratus esset.

Apud Homerum invitati tum ætati-
bus tum studiis, atq; professionibus dif-
ferebant. Nestor, Ajax, Ulysses, omnes
virtute quidem præstantes erant, sed ta-
men aliter atque aliter, quippe alius ora-
tione & eloquentia, alius corporis viri-
bus, alius verò astutia pollebat. Iurato in
convivio suo adhibuit Eryximachū me-
dicum. Xenophon Aristophanem poë-

tam. Homerus voluit optimos atq; laudatos viros vocandos: Hesiodus vicinos præcipuè. Solebant antiqui Spartani festa sua celebrantes, Helotas, quos in servitutem redegerant, ad vinolentiam & ebrietatem compellere: illosq; remulentos, & vino madidos postea in juvenum convivii ostendere, ut scilicet hujusmodi ebrietatis ludibrio & turpitudine juvenus à vino deterreatur. Verum, hominum vitam, moreq; & corpus depravare, ut exemplum aliis præbeatur bene vivendi, an sit mos laudabilis, prudentioribus judicandum relinquo.

Plutarchus Philosophus in primis sapiens & eruditus acerbulq; vitiorum castigatior Lacedæmoniorum illam emendationem incivilem planè & illiberalem affirmavit. Sed ad rem. Quare detestandi sunt, inque amicorum numero non ferendi, qui nunquam, ut de Pericle tradunt historiographi, apud amicos cœnant, quamdiu in vitæ conjunctione & Republica versantur, omnemq; epularum apparatus abiiciunt, putantes,

convivia ad deprimendam omnem animi elevationem valere, nec facile in consuetudine expectationem gravitatis, & severitatis conservari: Ego puto nihil magis movere admirationem, quam quotidianam vitæ cum aliis consuetudinem.

Plinius Orator Plinii avunculi nepos, non probabat eos, qui sordidi simul ac sumptuosi essent, qui scilicet in convivis & convictibus sibi & paucis optima quædā, cæteris vilia & minuta ponerent, vinaque lagunculis in plura describerent genera: hunc morē displicuisse Catoni Censorio, atque etiam ipsi Plinio avunculo, maxime verò Cæsari dictatori, qui pistorem suum vinxit, quia alium panem subjecisset convivis suis, quā sibi, tradunt historiæ. Hic circa cibū adeo indifferens fuit, ut quondam ab hospite conditum oleum pro vitæ appositum aspernantibus cæteris, solum etiam largius dicatur appetivisse, ne hospitem aut negligentiam aut rusticitatis videretur arguere: Eundem quoque ne inimici quidem vini parcissimum fuisse

non

non negarunt, munditiarum tamen laudatiarumq; fuisse studiosissimum, constans opinio est.

Vox me hercule præclarissima est Plinii, non enim, inquit, quod ego, liberti mei bibunt, sed idem ego, quod liberti, regulamq; reprimendam & in ordinem religendam censet.

Hannibalis certè summa in victu celebratur moderatio. Is enim neq; in Italia, neq; ut Aphrica usquam cœnans recubuit, aut plus quam vini sextario in convivio indulgit. Constantinus Imperator (ut ait Marcellinus) parcè sobrieque edendo ac potando valetudinem iraretrinuivit firmam, ut raros contingeret morbos, sed eos non procul à vitæ periculo, id enim evenire corporibus à luxu intemperantiaque remotis, diuturna experientia & probationes medendi monstrant.

Severus nihil unquam imperatoris luxuriæ, nihilq; deliciarum in exercitu ostentavit, eundem semper cibum ac potum capiens, quem cæteri milites.

Antonius abjectissimis cibariis militariter delectabatur.

Pompeji modestia & facilitas insignis in victus ratione fuit, de qua re id tantum comemorasse satis erit, quod cum morbo decumbenti & cibos fastidienti medicus ad recreandam aviditatem turdum illi apponi iussisset, huncq; venalem non invenirent famuli, quoniam id temporis non ferebat, à quodam indicatum est, apud Lucillum posse reperiri, qui eos toto anno in vivariis educaret: at Pompejus ad ea dixisse traditur, nos igitur sine Luculli luxu vivere non possumus? Dimisso itaq; medico alium facile parabilem cibum sumpsit.

Cato quoq; Censorius in ampla fortuna tenuiter vixit, ex rapis jucundissimum sua manu sibi parabat obsonium, eoq; ut saluberrimo vescabatur.

A puero laboribus & moderata vivendi ratione, & ex rei militaris consuetudine ad robur & bonam valetudinem constantissimum nactus est corporis ha-

bitum,

bitum, in exercitu cum sitiret, ferè semper bibit aquam.

Quod si æstu graviore tentaretur, acetum haustu crebriori sitim levabat & calorem, & si quando infirmior sibi videretur, ut vires pristinas instauraret & retineret, leviusculi vini nonnihil degustabat, eodemq; pane, eodemq; vino, quo sui, usus est Imperator & Consul.

Incuriam porro suorum & imprudentiam in iis, quæ ad cibos spectarent, non molestè ferebat, putabat enim obscœnum esse & indecorum, gulæ alique causa graves cum servis lites suscipere: Constat nihilominus ipsum eo genere duri & rigidi victus uxorem perdidisse & liberos.

Curius similiter Romanorum Imperator rapis vixisse proditur: quare cum ei Samnitum Legati aurum plurimum obtulissent, respondit, illi auro non opus esse, qui talia cœnaret, ostendens rapam, quam foco torreret in cibos.

Alexander ille Macedo, ventris cibi-que temperatissimus fuisse traditur: ad

prandia enim nocturna itinera, ad coenas verò prandiorum tenuitatem optima esse condimenta censebat; ideoque coquos ab exercitu suo removit.

Is cum primum diluculasset, prandio accumbebat, coena verò jam appetente nocte bibebat inter sacrificandum, ciborum exquisitorum adeò fuit contemptor, ut ad se è longinquo missa obsonia elegantissima inter amicos partiretur, nihilq; ex iis sibi reliquum faceret. In rebus gerendis cum magnus imprimis fuit, tum verò sobrius & vigilans, non temulentus, non imperii licentia bacchabundus, cujus qui minimam partem nacti sunt, temperare sibi nequiverunt.

Augustus, cibi minimi atq; vulgaris fuit, pisces enim minusculos & panem secundarium, caseum bubulum manu pressum, & ficus virides biferas maxime expetivisse ajunt.

Vini autem natura erat parcissimus, nec amplius ter bibere solitus super coenam in castris apud Mutinam. Quoties

verò

verò se largissimè invitasset, senos sextantes non excessit: maximè delectatus est Rhetico, neq; temerè interdū bibit: proportionē fūnebat perfusum aqua frigida panem aut cucumeris frustum, aut lactuca thyrsū, aut recens acidumve pomum vinosioris saporis.

Vescebatur ante cœnam quocumq; tempore & loco, quod stomachus desiderasset. Præterea epulandi confusissimum solutissimumq; modum correxit, assidue tamen convivabatur, verum cœnam ternis ferculis, aut, cum abundantissimè, senis præbebat.

Querentem de inopia & caritate vini populum Rom. severissima coercuit oratione, satis provisum à genero suo Agrippa, productis pluribus aquis, ne homines sitirent.

De Pescenio Imperatore non absimile traditur. Nam cum in Ægypto cum exercitu esset, quærereturq; milites, quod vinum non adesset, respondit, Nihil habetis & vinum petitis? nam reve-

ra incolæ illius amnis aquam bibunt: fuit præterea tenuis valetudinis, quam diligentia tuebatur, unde annum sextum & septuagesimum attigit.

O aurea secula! Hos tantos Reges, tantosq; Heroas quis crederet tam sobriè vixisse? rara namq; sobrietatis atque fortunæ concordia est. Sit igitur & nobis modus apparatus, impendioq; cœnarum. Sint simplices escæ, mensæq; simplices, nulla varietate & pernitiola coacervatione opulentatæ. Sordidus hic mos est & detestandus. Sed his miseriis homines obnoxios reddit mala ambitio & dira habendi cupido, ostentatioque potius prodigi luxus, quam necessitas & utilitas. Ipse Christus Dominus noster exemplum nobis vitæ prodidit, prodiderunt Apostoli, prodiderunt tot sancti viri illius imitatores, quos si & nos imitemur, fatius esse cū Plinio concluderemus, simpliciter vivere & frugaliter, quā gulæ irritamenti delitiisq; turpiter se polluere, in amplis patrimoniis helluari, opesque & pecuniā prandiorū gurgitibus proluere.

Quod

Quod etiam Horatius vitiorum acerrimus castigator & censor carminibus suis de victu moderato verius, quam vel ullus Philosophus, vel Medicus, vel Theologus expressit, libr. II. serm. Satyr. 2.

Remitto etiam auditorem vel lectorem ad Satyram, quam scripsit Varro de cibis & lautitiis, in qua versibus comprehendit exquisitas delitias, & quæ helluones terra mariq; conquirunt, pleraq; exposuit, generaq; & nomina eduliorum, ut monstrosa, sic pernitiiosa exprobrans recenset.

Ne verò planè arido palato & sine hypnosia extremam huic tractatui imposuisse manum videar, quæstionem Coronidis loco, an cœna potu sit finienda, subnectam. Discordes autem quorundam sententias hîc esse animadverti, præsertim inter cœnandum, quo tempore potissimum exagitari videtur, de ea litigantium. Portetosis commestrationibus degiti, si cœnam potu nō clauserint, crastinam se lucem non aspicere, nec jecoris pulmoniq; vitia ac tabitudines efflu-

gere

An potu
cœna
terminanda?

gere posse, persuasum omnino habent. Quin & generosum hodie ducitur & præclarum, strenuè & quidem stando, potu cœnam finire, præsertim in Magnatum aulis, in quibus, quò quis existit bibacior, eo censetur generosior. Et nemo æstimatur pluris, quam qui egregiè censum Domini sui mergit. Imò, quod mirari haud immeritò quis debeat, ejusmodi de grege Epicureo porci strenuèq; calicum gurgites non infimum obtinere locum cernuntur.

Certè eo usq; crevère immanes illæ propinationes atq; monstrificæ potationes nocturnæ, ut cellæ vinariæ inde exhauriantur, corporis animiq; vires enerventur, a toti; illi, qui in mensam vomentes, de conviviiis, ut cum Cicer. de finibus loquar, auferantur, crudiq; postridiè se rursus ingurgitent, funeris ante diem miserè percant.

Justæ moderatæq; propinationis usum legitimum censi debere charitatem, amorem, amicitiamq; mutuant, cujus vel ineundæ, vel fovendæ atque confirman-

de causa olim ab honestis probisque viris eam fuisse adhibitam, passim apud auctores videre licet.

Immoderatarum verò istarum atque cyclopicarum propinationum, quibus hodie plerique Christianorum quotidie ferè utuntur, finis non est charitas, amor, amicitia, honor, observantia, quam tamen helluones isti verbis egregiè simulant, sed ebrietas & quæ illam necessario consequuntur, turpitudine, ignominia, fanitatis viriumque corporis labefactatio, tremor, gravedo, pallor, linguæ titubatio, nervorum resolutio, torpor. Et certè constat quotidianâ experientia, ple-rosque acrium illorum potatorum hoc tantum spectare, ut illos, quos vel amicitia, vel honoris specie, atque simulatione ad immoderatè bibendum invitant, atque cogunt, cunctis deridendos propinent, atque comedendos, ut metaphoricòs Terentius in Eunuchò dixit, ut ita in totum dixisse liceat, nihil esse tam utile, laudabile atque honestum, quod non deformat abusus hominum? Quis

enim

*Affirmatio
ebrietas
est effusa
et.*

enim non videt quotidie antiquam illam propinandi consuetudinem ac philothetiam amoris per se amicitiaque plenam, proindeque honestam, jam à multis seculis in turpissimum flagitiosissimumque abusum degenerasse, & ad Plutonis usque Cancellos, ipsos Christianos hodie sibi invicem specioso amoris atque amicitiae obtentu propinare.

Crapula
a quid? Atque hinc promanasse putatur vox crapula, quæ pro ebrietate metonymicos usurpatur, cum tamen proprie sit ebrietatis effectus, capitis nimirum lucta, agitatioque, cum sc. ex temulentia caput aggravatur & tremat. Galenus in aphor. omnem noxiam ex vino contractam *κεφαλαίαν* nominat *ὅθεν τὸ κραῖται* id est caput, & *πάλλειν* hoc est concuti, revera enim multis ex pridiana & hesternâ temulentia tanta sentitur in capite gravedo, ut cyclopas in cerebrum sibi migrasse jurent, qui alternatis illud feriant ictibus, quos Germani non ineptè *Droscher* oder *Schmidtnechte* / appellant, q. *τῆς πάλλοντας κραῖται*: sed ad rem. An ex-

pediat

pediat mēſas claudere ſeu terminare
 potu, ſuprà quæſitum fuit. Veterem au-
 tem fuiſſe morem poculo quodam cer-
 to ſive propinatione cœnam claudere
 ſeu terminare, idq; partim religionis ſive
 ſuperſtitionis potiùs, partim amicitiaẽ er-
 go, paſſim apud autores traditur. Hujus-
 modi poculum appellarunt poculum
ύγειας, forſan boni ominis ergo, quod il-
 lud ſibi invicem bonæ valetudinis ergo
 propinabant. Pro ſanitate enim & olim
 propinationes fieri ſolitas, & etiamnum
 hodie ſtrenue hunc morem continuari
 maximo ſæpe corporis & valetudinis di-
 ſpendio, plus quam notum eſt. Sunt in
 exemplis, quos pro *ύγειας* poculo for-
 bendo principatum quærentes & glori-
 am, trunicorum ſive ſtipitum inſtar & ve-
 lut attonitos atque reſolutos concidiſſe
 conſtat. Præterea ultimum illud pocu-
 lum maximè communi nomine appel-
 latum quoq; fuit boni dæmonis ſive bo-
 ni genii ſeu fortunæ, de quo Theophra-
 ſtus l. de ebriet. ſcribit in hunc modum.
 Vini meraci, quod in cœna datur, quod

*Solutio
 quæſtio-
 nis pro-
 poſita.*

*Das
 heißt
 auch
 Geſund-
 heit
 trin-
 ken.*

qui-

quidem boni dæmonis propinationem vocant; parum degustantes, in memoriam revocant, quanta sit ipsius Dei vis, quantumque hoc sit illius donum. At postquam impleverunt, dant quam minimum hauritum, & tertio flexis genibus adorantes, ex mensa capiunt tanquam Deo supplicantes, ne quid designent à decoro alienum, neve vehementi aliqua illius potus cupiditate accendantur, sed hauriant ab illo ea, quæ honesta sunt & utilia. Philochorus similiter apud Atheo-
lib. 15. de hoc potu sic scribit: more atq; consuetudine fuit receptum, ut post cibos vinum meracū omnibus offerretur illud degustandi gratiā ceu ad demonstrandam vim boni Dei: reliquo autem omni convivii tempore vinum dilutius bibere consueverunt, ideoque ipsas etiam nymphas Bacchi nutrices appellitarunt. Ex quibus Theophrasti & Philochori verbis colligitur, hunc vini puri ac meraci potum quem boni dæmonis potum appellarunt, & ab initio cœnæ, & in extremo convivio, antequam surgerent, à

con-

convivis fuisse usurpatū. Nec verò in Deorum tantum honorem boni ominis auspiciiq; causâ ultima illa potatio fieri consuevit, verum etiam amicitiaæ mutuaë testificandæ fanciendæq; causâ, unde Philotesia fuit appellata, propinatio sc. quædam post cœnâ amicitiaæ ergo fieri solita.

Dicebatur quoque Tantali poculum, cujus iniciatorem & quasi pincernam fecerunt Tantalum, quod is incredibili inter homines benevolentia liberalitateq; præcelluisse creditur. Christophorus a Vegal. 2. de arte med. sect. 4. in hanc scribit sententiam de quæst. proposita. An, inquit, mensas expediat claudere potu, an verò cibo, scire oportet eum, cujus os ventris laxum est, aut cujus caput ex vini potu compatitur, egere cibo quopiam astringente postremo loco, quem nō sequetur potus. Quorum autem venter ficcus est, aut siti molestantur, non longè à cibo bibere debent, sed parum ad finem mensæ. Sic etiam iis quibus nulla prava adest ventriculi affectio, convenit finito prandio aut cœna, parum vini, si

ita assueverint, sumere, ut postremus ille
cibus è gula descendat, liquetur, commi-
sceaturq; aliis cibi partibus: Aliis verò æ-
què similis potus conveniet: Deinde os
& dentes vino colluere, omnibus ex usu
erit, diluatur verò, si capitis malis tentan-
tur, aliàs non. Celsus libr. i. ubi expletus
est aliquis, inquit, facilius concoquit, si,
quicquid assumit, potionem aquæ frigidæ
includit, tum paulisper invigilat, deinde
benè dormit. Quam sententiam Celsus
videtur deprompsisse ex Hipp. l. 3. de vi-
ctu acut. sic scribente, ubi timueris, ne vel
caput vehementer vino morboq; grave-
tur, vel mens etiã tentetur, tum vel aquã,
vel vinum aquosum & album, & neuti-
quam odorum exhibere, & deinde pau-
lulum aquæ superbibere convenit. Sic e-
nim vini potentia non tam facilè caput
mentemq; attingit. Addit Pantimus in-
terpres, perperam etiam non fecerint,
qui pro aqua è cidoniis malis conditi
portiuncula, aut coriandri ex aceto præ-
parati cochleari, aut citriorum succo, aut
limonum aut punicorum, aut istorum
sirupis,

C. filius
Hippo-
cratis,
de vinu
tentet
mentē.

sirupis, aut deniq; astringentis alicujus maturiq; pomi esu ventriculi os occluserint, simul & vini exhalationem ac vim refrænaverint, præsertim, si quis etjam inter quietem & somnum, & inter aquæ viniq; sumtionem paulisper invigilaverit: Et idem paulò post: Confert quoq; neq; coenam, neq; prandium potu unquam finire, quin aliquid ex superioribus, aut quid escæ superedatur, unde tritum illud:

Sit tibi postrevius semper in ore cibus.

Innatant siquidem cibi illico post coenam, si quis largius biberit, ita ut eos ventriculi corpus, propter interjectum humorem non contingat. Præterea utendum semper potu est ad desiderio satisfaciendum, & ut cibus nec sit in sicco, nec fluitet, nec moderato potu madescat. Consultum quoq; putatur inter edendum non confertim, nec avidè, sed sensim ac paulatim bibere, quo commodius utraq; inisceri queant, pariq; concoctione perfici. Qui verò ea edendi utuntur consuetudine, ut ad prandii medium

potu sibi temperent, affatim illis bibere expediet, ut potus penetret, ac per cibum undique diffundatur. Optimus igitur ac securissimus bibendi modus statuendus est, cuique pro sua ætate, temporum ratione, inveterata consuetudine, ac pro vini natura ac viribus. Sanis quoque non posse certi aliquid aut determinatè circa potum præscribi inde constat, quod plerique diversæ potandi consuetudini sint assueti, quam citra valetudinis jacturam mutare nemini sit facile.

Sic multo potui assueti pleniores possunt tolerari haustus, quam insueti. Cerebrum verò habentes imbecillum, vinum non tolerant. Signum enim fortitudinis cerebri ac bonitatis ejus, teste Avicenna est, à vini generosi vaporibus non lædi, vinique potentiam sustinere. Certissimum est, medicaque gravitate ac experientia confirmatissimum, à cibo potasse, concoctionem evertere, flatuque multos ac cruditates gignere, jejuno verò ventre vinum sumsisse, nervos ac caput insigniter lædere. Dormituri verò & à cœna

(nisi

(nisi valida admodum sitis urgeat) nocentissimus est omnium medicorum consensu potus, ob idque rectè dicebat Hipp. 5. Aphor. Qui noctu bibere appetunt, his admodum sitientibus, si superdormierint, bonum. Somnus enim eam sitim, quæ ut plurimum mendosa est & falsa, sedare solet atq; levare. His ita observatis, & caput minus offendetur, omneq; corpus somno fruetur jucundius. Non parum tamen emolumentum aliquem ex eo consecuturum Avicenna putat, si quis semel in mensa inebrietur, ut videlicet per ebrietatem excitetur vomitus, quo chronicas diuturnasq; agitudines ait prohiberi. Verum Rabbi Moses tractat. 4. ad Soltanum Babyloniam, hanc illius sententiam ceu falsam convellit, omnem ebrietatem & maxime assiduam nocere affirmans. Pestilentissimam assiduam ebrietatem esse dubium non est, quandam tamen, ut quæ in mense semel contingit, vel ad summum bis, quibusdam, ut quorum ventriculus crudis humoribus est refertus, non planè

*An vitale sit non
nūquā
inebriari?*

noxiam esse experientia testis est. Qui
verò ex vini immodico haustu temulen-
ti evaserunt, iis omnium testimonio, uti-
le consilium fuerit ciere vomitum, ine-
diam imperare ac somnum, ac succum
malorum punicorum, vel oxicratum ex-
hibere potandum, aut caulium succum.
Sybaritas ferunt olim cramben prius esi-
tasse, quo plus deinde bibere possent.
Dioscorides quoque ebrietatis & crapu-
læ incommoda tollere prodidit, si cruda
edatur ante cœnam ex aceto. Inesse au-
tem peculiarem quandam vim vino ob-
sistendi in crambe, inde patet, quod in
vineto sata, vinum proveniat dilutius.
Proinde apud Ægyptios & Sybaritas so-
lenne erat, ante omnia sumere cramben
coctam: Quibusdam ejus semen ante
computationem capere mos erat, quo
citra ebrietatis periculum vino possent
indulgere. Ebrietatem quoq; arcet a-
mara potissimum, omniaq; ea quæ hu-
mores aquosos per urinam expurgant,
quibus præsumtis, fit ut fumi alio quam
ad caput deferantur, vinumq; venas sub-

ire

*Ebrie-
tatis re-
sist.ia.*

ire prohibeatur, exiccante etiam amaro-
re humiditatem. Præcipuam verò inter
ea obtinuerunt laudem amygdalæ ama-
ræ ad fastidium usq; nobilitatæ, (sed fal-
laci sæpè experimento) si 6. vel 7. ante
computationem comedantur. Huc per-
tinent antiquorum propomata, sive pro-
pinamenta, inter quæ maximè com-
mendantur, quæ ex absinthio & aroma-
tibus conficiuntur. In frequentissimo
hodie usu est propoma absinthites, quod
ut Trallianus testatur vim habet stoma-
chum corroborandi, extenuandi, expel-
lendiq; excrementa in eo contenta.
Cinnamomites deniq; propoma vires
habet insignes in roborando cerebro &
corde. Panis quoque cum melle, cydo-
niaque cocta ebrietati resistunt poten-
ter. Ipsam porro ebrietatem discutere ne
sentiatur, porrum sectivum, aut crocum
prius potum apud claros autores repe-
rio: alii melilotum & radiculam mirè
commendant, quod testatur Alexis,

*Propo-
mata.*

Jam verò nonne omnium malorum
est ebrietas.

Ma-

Maximum hominibus, & nocentissimum,

Heri subbibisti, ideo nunc crapula vexaris,

Obdormito, ac levaberis, deinde tibi det Radiculam quis elixam.

Sed satius esset ita bibere, ut medicamento opus non sit. Studium sobrietatis, & odium ebrietatis optima temulentiae sunt alexipharmaca. Non damnatur crater Philotesius, qui amicitiae conciliandae causa alteri praebere ab antiquis solebat, & tantum de proposita quaestione. f.

DEO laus honor & gloria.

F I N I S.



e.

PANDIT! 10

21 618 15.3

1.60 2.01A

